

2

DISCEPTATIO DE LAPIDE PHYSICO,

In qua
TUMBAM SEMIRAMIDIS

Ab Anonymo Phantasticè,

^{non}
Hermeticè Sigillatam, :

ab
Anonymo Reclusam,

si
Sapiens Inspexerit

Ipsam,

Promissis Regum Thesauris

Vacuam Inveniet.

ANNO M. DC. LXXXIII.





PRÆFATIO.

Rescit malitia
mundi. Alchimista vul-
garis, auro inhians, omnis
cujuscūq; generis Recipe, & scripta
in acervum accumulat, & quia om-
nino indoctus, artem aurum facien-
tem; casu invenire sibi persvadet:
unde suas chartas tanquam Thesau-
rum custodiens, legit, relegit, mo-
do hoc, modo illud probat: secum
argumentans dummodo unum re-
cipe veridicum invenirem, omnes
sumptus solvet; nec non me divi-
tem faciet: quis scit, si jam probata
sefellêre, hoc non aliquid boni con-
tineat; donec tamen labore fessus,
crumenâ exhaustus: non animo, sed

bonis exutus, solo desiderio habendi dives, reliquorum egenus, miserè vivat.

Doctiores & aliquantulum studio initiati, talia Recipe non totaliter reiicientes, adjungunt lectionem librorum, & quia levis sunt doctrinæ, ad leviora & faciliora animum applicant. Hic mercurii fixationem, ille mineram cum mercurio multiplicandam: audaciores, non Truncum, id est Lapidem Physicum, sed Brancum (quasi ramus arbore prior surgeret) alii alia quærent: & hi sunt illi, qui, quia parvâ literaturâ ornati, rem magnificè proponere sciunt, aliis ditioribus, & simplicioribus imponendo, prima ponunt fundamenta Prætorij, ubi de nobili hac & vera scientia malè litigatur, pejus dijudicatur.

Succe-

Succedunt tertij, homines in suo genere etiam quandoq; docti, & propterea altioris supercilij antecedentia despiciunt, sed tanquam Philosophi, quales ad minus se credunt esse, ipsi lapidi inhiant, & libros talia tractantes evolvunt, quos, statim quia se ipsos doctos judicant, à prima lectione aliquo modo iteratâ totaliter intellecturos præsumunt. Multi ipso studio adjungunt labores, eosq; dirigunt secundum conceptâ à studio doctrinam.

Quidam parum, quidam multum laborant, hic pro se, de bonis proprijs, ille pro alijs aliorum expensis, hic humilis & tacitus nihil se scire profitetur, ille quasi tumida bulla, omnia ad suum cerebrum explicando trahens, jam se Sophis parem æstimat; nec non ab alijs pro tali haberi gestiens;

ubiq; de hac arte magniloquè disputat: nec quandóq; talibus contentus, quia vox solùm adstantium aures ferit, meditatur & indistans suam famam divulgare, teste Proverbio, littera scripta manet, & tanquam vox muta, millenos se intuentes alloquitur: illicò in hoc sibi applaudens, confusam sui cerebri congeriem, pro meliori posse ordinando, nec non multis & confusis authoritatibus, tam sapientum, quàm putatitiorum sibi parium indifferenter adornando, scriptum componit; quod quandóq; solius gloriæ, quandóq; & lucri stimulo imprimendum exponit, quibus Bibliopolæ propter non exiguum in illos exinde redundans emolumentum, avidè inhiantes, emunt, atq; ad alia conficienda, spe lucri, exhortantur, imò multa, similia

similia à semidoctis, paratis nummis emendicant. Quia libris, dummodo de arte aurifera tractent, non desunt emptores. Et hæc est causa, quod laudabilis hæc Philosophia, in se ipsa intellectu sat difficilis, omni die difficilius reddit Tyronibus illius studium: Dum non solum involvuntur verorum obscuris & ænigmaticis dictis; sed etiam putatitiorum Philosophorum nugis & erroribus à vero tramite seducuntur. Utì præsens Tumbæ Semiramidis Compiler, & sua signemēta mundo obtrudit: & societati sibi notorum Virorum, arcana naturæ indefessè quærentium, dedicavit Anonymus, licèt illorum multis nomine notus sit, ut in sua Epistola Dedicatoria fatetur: ut illis, aliisque doctus videatur, & tãquam Anonymus, Anony-

mam suam doctrinam credibilior
rem reddat: non absq; notabili Rei
publicæ Hermeticæ detrimento, Ty-
ronum confusione, atq; Sapientum
scandalo, quod ut mundo pateat,
nobis placuit, in gratiam Filiorum
artis, Tumbam hanc putatitiè sigil-
latā, Hermeticè recludere, ipsāmq;
& Thesauris & Scientiā vacuam pu-
blico exponere, ne insci) in illa re-
ferenda pro somniatis acquirendis,
propriis Thesauros tempus, labo-
rem & nummos inutiliter effun-
dant: & utinam, iterūmq; utinam,
omnes huic scribenti similes, simile
quóq; examen invenissent, atq; im-
posterum invenirent, forsan melius
foret huic Scientiæ Studiosis. qui-
bus ut satis faciamus abundè, dum
alterius errores commonstramus:
veram & rectam viam, nec non li-
nea-

nearem Methodum, tam de proprio, quàm principaliorum Authorum, differentes, confusas, obscuras vias combinando, reordinando, declarando, docebimus; quam qui semel ingressus fuerit, optatam metam, orando, speculando, & laborando, infallibiliter attinget: quod DEUS omni pio Hermeticæ Philosophiæ Sectatori concedat. Amen.

Admonitio ad LECTOREM.

Sicuti Author Tumbæ Semiramidis suum Libellum in decem Capita divisit, & nos Caput per Caput examinando totidem ponimus: Quibus Corollaria subnectentes, hujus artis Doctrinam ordinatim tradimus.

AS

CA-



CAPUT I.

De Subjecto Phifico

Lapidis Philosophorum.

IN hoc primo Capite, Subjectum lapidis declaras, & generaliter loquendo, optimè didicisti ex authoribus, cætera negligendo, ex solo regno minerali illud petendum esse, atq; iterum bene asseris, id non ex mediis mineralibus substantia. argenti vivi carentibus; sed ex metallicis desumendum, & omnia metalla fusa, præcipuè non fusa, etsi imperfecta (per intimam labis suæ originalis depurationem) subjectum lapidis esse posse.

Quam Propositionem si verè cum suis circumstantiis intelligeres, aut practicè expertus esses, quatenus, quomodo, aut quando, metalla, tam perfectæ, quàm imperfectæ, subjectum lapidis sint, & esse possint, adeptis te adnumerari non incongruè prætenderes; Sed timeo te plus studiosè perlecta, quàm intellecta & practicata conscripsisse, eò quod Authores, tam tibi consentientes, quàm contradicentes, & à tua doctrina aliena docentes, indifferenter tuis scriptis infers, uti accide-

cidere solet iis, qui verè non intelligentes, tamen se illos intelligere credunt: quod patet ex ante citato textu Philalethæ: Cap: XIX. *Est tamen unum in regno metallico originis miræ, in quo Sol noster propinquius est quam in Sole & Luna vulgi, si in hora suæ nativitatis eum queras qui in Ærio nostro liquefit sicut glacies in aqua tepida.* Quem Textum adducis in probam, quod postquam aurum pro subiecto lapidis statuisti, etiam imperfectiora non excludendo idem esse posse. Quod autem Philaletha per illud *unum* non intelligat pro subiecto lapidis metalla perfecta, multo minus imperfecta, uti tu male intelligens hariolaris, ex sequenti clariore hujus textus explicatione apparebit, *est tamen unum in regno metallico originis miræ.*

Id est nucleus mercurij metallicus albissimus, & purissimus, qui propter raritatem artis, tam eum speculativè inveniendi, quàm practicè educendi mirabilem methodum, à Philaletha, *originis miræ* appellatur.

In quo Sol noster propinquius est, quàm in Sole & Luna vulgi.

In quo, scilicet nucleo, at non plus ultra defæcatissimo, sol noster, id est aurum vivum Philosophorum, seu Sulfur artis, *propinquius est, quàm in Sole & Luna vulgi*: id est facilius per decoctionem ex illo extrahitur, quam ex auro vulgi, tam propter puritatem,
quia

quia auro & argento purior hic nucleus, illud homogeneitate antecellit: Nam licet aurum quoad perfectionem metallicum sit sat purum, & perfectè homogeneum, tamen quoad perfectionem medicinale non ita est; Secundum omnium Sophorum auctoritates, quas hic annectere supersedeo. Propter brevitatem, citius enim per se, quàm auro adhuc clauso junctum, in Solem nostrum, id est Philosophorum decoquitur.

Si eum in hora suæ nativitatis quæras

Si eum, id est ante dictum Solem nostrum, in hora suæ nativitatis: quando scilicet ex illo uno in regnometallico originis miræ, id est ꝑio homogeneo, per competentem ignis decoctionem natus, educitur: *quæras*, id est accipies, *qui in Mercurio nostro liquefit.*

Qui, scilicet *Sol noster* ex ꝑio natus, in ꝑio nostro nempè unde natus, iterum impositus, *liquefit*, id est resolvitur, *sicut glacies in aqua tepida.*

Quemadmodum glacies nil nisi mera aqua concreta est, ideò etiam in pura aqua tepida, absq; rejectione ullius superfluitatis inseparabiliter resolvitur: Parimodo & ille Sol, sicut glacies, ex ꝑio Sophico tanquam aqua sui generis, solo Igne concretus, & in hora suæ nativitatis, id est coagulationis, acceptus, eodem ꝑio reimpositus, suaviter resolvitur, tanquam in aqua tepida, id est, leni calore adhibito.

Ergo

. Ergo illud unum in regno metallico originis miræ, ex quo Aurum vivum, sive Sulfur artis propinquius, quam ex aliis metallis educitur, & in quo idem Sol noster iterum resolvitur, est nucleus ille mercurialis omni superfluo spoliatus, & non Metalla perfecta, multo minùs imperfecta; cum priora nimis arctè clausa, posteriora nimis impura, ut possint aurum vivum, seu Solem nostrum, tam propinquè, id est sola decoctione dare: & si darent, quomodo iterum resolverent, quæ ipsamet coagulata sunt: Illudq; ex aliquot lineis Philalethæ, supra citatum Textum immediatè antecedentibus sat colligere licet: Dum dicit: *Pariter & per hunc intelligendi modum lapis noster est in omni metallo, ac minerali, quia puta Sol vulgi ex ipsis extrahi possit, ex quo Sol noster propinquius peti possit.*

Quibus dictis superaddit, quod sit adhuc aliud unum in regno metallico originis miræ, in quo Sol Philosophorum adhuc propinquius inveniri potest, quam in Sole & Luna vulgi. Undè in antecedenti Capite XVIII. clariùs insinuavit: *Quare aurum nostrum est materia lapidis proxima, aurum vulgi propinqua, cetera metalla remota: Sed si aurum nostrum queris in re media, inter perfectum & imperfectum, quære & invenies.* & illud medium inter perfectum & imperfectum (quod superius unum in regno &c. dixit) est ÷ius homo-

homogeneous suus animatus, qui perfectus, quatenus ipsum aurum puritate & homogeneitate superat, imperfectus, quatenus adhuc volatilis & non fixus decoctione indiget ad sui perfectionem.

Quæ explicatio sicuti sat clara est, ita etiam sat clarè docet, te Philalethæ Doctrinam nullo modo scire, nec intelligere, & ideò ante dictum Textum ad tuam Hypothesin comprobendam ignoranter detorsisse: quia aliud est rem per transennam inspicere, & conjecturari, aliud centrum veritatis cognoscere, & fundamentaliter argumentari, prius in supposititios, posterius in veros Philosophos cadit.

Postmodum præscindendo ab imperfectioribus, etiam perfecta metalla aurum & argentum pro subjecto lapidis declaras, variisq; Authoribus legitime probas: iterumq; in conclusione hujus Capitis, imperfecta metalla proponis his verbis: *Nos non negamus, etiam dari aliud subjectum minoris pretij, ubi imperfecta metalla non exclusimus, quemadmodum ex Anonymo Philaletha hisce verbis meminimus, est adhuc unum in regno metallico mirabilis originis, &c.* quanquam vile hoc pretium multi Philosophorum de menstruo solvente intelligant.

Quæ verba quàm sint inordinata, cæteraq; omnia quàm confusè dicta atq; ex Authori-

thoribus malè coadunata, pejus intellecta, adhuc clariùs docebitur.

Si aurum quatenus rem, omnia ad lapidem necessaria, in se habentem; id est tam humiditatem mercurialem, quàm sulfur specificum, seminale, aureum, fixum, & tingens; verùm & totale subjectum lapidis statuis, cum Authoribus à te productis optimè concludis: Idem autem imperfectis attribuere, malè quadrat, quia omnia ad opus completum necessaria, sicut illud in se non habent: quamvis humiditatis mercurialis subjectum, æquè ut aurum realiter existant, unde aurum vivum: id est sulfur artis fixum educi potest, quod tamen ex imperfectis, etiam ab omni labe originali depuratis, & fixis eductum, adhuc non est, nec erit aurum, multo minùs lapis tingens imperfecta in aurum, nemo enim dat quod non habet, specifica enim aurea seminalis fixitas nunquam in illis fuit, ideòq; illam nunquam dabunt, neq; totaliter, & indistinctè, subjectum lapidis nominari possunt, quod sic probo: Lapis Philosophicus debet verè & realiter imperfecta in aurum tingere, sed metalla imperfecta quomodocùnq; præparata, nunquam alia imperfecta in aurum tingent realiter; ergo illa, illud unum quid, vilis pretij, lapidis subjectum statuere, erroneum est.

Ad hu-

Ad hujus rei majorem elucidationem hanc similitudinem ponam, granum frumenti in terram positum, per Lessas penetratur, resolvitur, & plurima grana producendo multiplicatur. Qui ergo hujus multiplicationis subjectum ipsum granum esse, propter vim seminalem granificam in illo existentem, assereret, optimè argumentabitur, qui autem aquam, qua in terra fermento fracedinis in Lessas abit, aut etiam ipsum lessas pro subjecto hujus granificationis poneret, quàm remotè, ne dicam stolidè argumentaretur, quivis semidoctus agnoscet: quia Lessas ex se solo nunquam granificationem neq; ejus multiplicationem constituet, licet ipsum granum ex illo Lessas, interveniente virtutè seminali specificâ granificationis fiat.

Pari modo imperfecta metalla subjectum hujus metallici Lessas, id est humiditatis mercurailis solum sunt, in quo aurum mediante industriosi artificis operatione, materiam desumet, ad virtutem suam seminalem specificam aurificam multiplicandam, quæ ante dicta omnia ita esse, & in hac scientia taliter intelligi debere, cum iisdem authoritatibus, à te in hoc Capite citatis, legitimè explicatis comprobabo.

Primus Textus est desumptus ex libro Clangor Buccinæ intitulatus, quem adducis
his

his verbis: *Prudenter & discretè te operari oportet, quoniam sinè fermento non poterit Sol neq; Luna esse, & aliud Semen sinè fermento non est appropriatum & utile nisi aurum ad rubrum & argentum ad album*, quibus Verbis antecedentes tres lineas ejusdem Authoris quæ hunc Textum immediatè antecedunt, adjungendo, res melius declarabitur. Argentum vivum à corporibus dissolutione subtiliatione & sublimatione extractum, coagulatum in sulfur album vel rubeum sustinens ignem & fixum, nullam vim habet ad rube dinem: Prudenter ergo te operari oportet, &c. Qui Textus significat quod dixi superius, quod etiamsi per ablationem labis originalis imperfecta subtiliaveris, & mundaveris, atq; in Sulfur fixum ignem sustinens reduxeris, nullam vim tingendi habere, nec ad album, nec ad rubrum, nisi cum perfectis Auro & Argento vim tingentem seminalem aurificam indideris, & ideo prudenter & discretè operari oportet in Auro & Argento, quia sinè fermento Auri, id est specifica vi aurificante feminali, nunquam exhibet Sol aut Luna, sed, secundum Philosophum, aliud quid, quod non est de specie Septem Planetarum, id est, septem Metallorum.

Altera Authoritas à te citata, est Raim: Lullii. Cod: p.m. 28. *propter quod depurata magis*

alijs reperiuntur duo, scilicet Aurum & Argentum, sine quibus ars ista non poterit integrari, cum in illis sit purissima substantia Sulfuris, ingenio naturæ perfectè depurata, & ex illis duobus corporibus, cum suo Sulfure & Arsenico preparatis, nostra Medicina elici poterit, & sine illis haberi nequit. Quæ ultima verba cum cæteris apertè concludunt, Lapidem tingentem in Aurum & Argentum, sine Auro & Argento fieri non posse, ergo malè imperfecta unicè, sicut Aurum pro subiecto Lapidis ponuntur; nisi prius, ut alter Philosophus dicit, in Aurum convertantur, quòd sola projectio Lapidis efficiet. Tandem Caput primum optimè concludis, quòd Aurum Philosophorum non sit Aurum & Argentum vulgi, nec in colore, nec in substantia, sed illud, quod extrahitur ex eis, est alba Tinctura & rubea; Sed malè te distinxisti in antecedentibus, dum subiectum hujus Tincturæ proponis, quidlibet pro quolibet, in terminis & autoritatibus confundens, quod clariùs in sequentibus apparebit.

Corollarium CAPITIS I.

Sed ut ex hac Disceptatione Lectori omnis Confusio cum aliquo fructu auferatur. Dicimus cum omnibus Sophis ex regno minerali Subiectum seu Mate-

Materiam pro Lapide Physico desumendam ; Sed hoc cum grano Salis : id est, debitis Distinctionibus, non confuse intelligendum, nimirum imperfectiora metallica pro subiecto Lapidis dupliciter statui posse, primo, si debite repurgata per projectionem in perfecta transmutetur, tum totale Lapidis subiectum per se erunt, ut reliqua perfecta ; quod quia largo modo desumptum est, ad secundum transibimus, nimirum metallica imperfectiora, pro subiecto Lapidis indicari, quatenus omnia actu in se habent humiditatem mercurialem purissimam, ab ipsis separabilem, & separandam, in quo nucleo Mercurij purissimo delitescit intrinsecum inclusum potentiale Sulfur purissimum metallicum, quod quidem in sui depuratione nec non fixatione, Sulfur metallicum fixum purum, in alia Metalla ingrediens bene fiet, sed nunquam Aurum aut tingens imperfecta in Aurum dabit ; Ideòq; intuitivè istius humiditatis mercurialis, sulfurisq; metallici originalis sibi inclusi, pro subiecto Lapidis habentur, eò quod absq; illo Menstruo tanquam metallico Lessas, metallicum granum scilicet Aurum resolvi intumescere & multiplicari nequit : Sed ambo origine convenientes, hoc actualem fixam specificam auream illud, potentialiter, fixam substantiam

metallicam præbens, in tertium, quòd neq; Metallum nec Mercurius; Sed Medicinam multipliciter tingentem auream abeunt, propter præpollentem, tam hujus quàm illius antecedentem mundationem & præparationem: Itaq; uti perfectiora, propter defectum perfectionis aurificæ supra dictæ, solum & totale subjectum Lapidis improprie dicuntur; è contra Aurum, quia utrumque plenè possidet; scilicet humiditatem mercurialem cum Sulfure aureo specifico, pro totali lapidis subjecto veridicè statui potest. Quamvis unum sine altero Lapidem completum non dabunt, eò quòd secundum Philosophos, non invenitur ignis, qui Aurum destruat, cum conservatione specifica aureitatis multiplicabilis, nisi mercurialis humiditas depuratissima, ex imperfectioribus deprompta: quamprimum ista semel ad invicem in substantia humida indivisibiliter unita videbuntur, tum erit, & illi soli quadrat, & aliter non, verissimum illud Sapientum Proverbium.

Est in Mercurio quidquid querunt Sapientes.

CA-

CAPUT II.

Quid sit Aurum Physicum, seu Philosophorum.



IN hoc Capite iterum ut in superiori generaliter loquendo quodlibet corpus metallicum resolutum in ultimam materiam, scilicet mercurium; esse Aurum & Argentum Philosophorum asseris, idq; confirmas per vulgatam Philosophorum Sententiam: *Est in mercurio quod quaerunt sapientes*: possibilitatem, illa reducendi, in mercurium ibidem probas per dictum Sophorum, omnis res ex eo est in quod resolvitur; Sed omnia metalla reducuntur in argentitatem vivam, ergo fuerunt argentum vivum.

Imprimis hic confundis mercurium Philosophorum cum sulfure eorum; Sed ne in tot dubijs & nosmet confundamus, in alium locum, ipforum differentiam adinvicem, demonstrandam reijcimus; Hic autem quaerimus, qualem mercurium cum sapientibus intelligis? Verum quidem est dictum Philosophi a te allegatum, quod omne metallum redeat in argentum vivum, sed hoc non infert, quodlibet metallum in argentum vi-

vum resolutum, uti nec ipsum mercurium vulgò venalem, esse aurum vivum Sophorum, & si etiam secundum tuam opinionem Capitis primi, intima labis suæ originalis depuratio ipsis supervenerit: adhuc non erunt aurum Physicum; sed solum mercurius eorum, & hic mercurius verum proximum & genuinum subjectum auri Physici, quod ex illo depromitur cocturâ per ignem, quod junctim cum auro proximum & immediatum subjectum erit ad lapidem aurificum inde depromendum. Ex quo clarè patet, aurum quidem in humiditatem spermaticam mercurialem resolutum, dici posse unicum & totum subjectum lapidis, nec non mercurius, in quo omnia insunt quibus indigent Sapientes, nempe humiditas mercurialis, & sulfur aurificum seminale tingens, ex quibus unicè constat lapis chrysopeus; à qua finali prærogativa, omnia alia mercurialia, imperfectiora excluduntur, & quamvis Geber sentire videtur in doctis quod sic, eò quòd dicit, *si per solum argentum vivum perficere poteris, pretiosissimæ perfectionis indagator eris.* Sed quod hoc intelligit de mercurio imperfectorum solo, etiamsi depuratissimo, satis clarè innuit in Capitulo de medicinis tertij ordinis, his verbis: *Alio enim gradu eget solaris Medicina, in pigmentorum præparati-*

paratione, alio verò *lunaris hæc [scilicet solaris]* *sulfuris administratione tingentis eam*, quale autem Sulphur intelligit, declarat in Libro Investigationis in fine in recapitulatione totius Operis, postquam imperfectorum præparationem & subtiliationem sufficienter determinavit, dicendo: *Lapidem nostrum dicimus nihil aliud esse, quam Spiritum fatentem & Aquam vivam, quam & siccam nominamus, & per naturalem proportionem mundatam quibus addi debet & tertium ad opus abbreviandum, hoc est corpus perfectum attenuatum.* Quod clariùs confirmat autoritate Guidonis de Monte manuale Hermeticum de filo Ariadne, in Corollario Capitis octavi. Et ut huic Corollario coronidem imponam, ut dicit Guido de Monte, licet Lapis Philosophorum perfici possit, usq; ad albedinem seu rubedinem, tamen non potest fieri Elixir, sine Auro & Argento vulgi, alteratis prius & præparatis. Item brevis manu ductio ad rubinum Cœlestem Philalethæ adscriptus, licet à Birrio editus Pagina 62. dicit: *Intelligis ut credo, quòd quamvis ex Auro solo sit Lapis noster, tamen Aurum vulgi non est ille, ut ergo ex Auro vulgi eliciatur Aurum nostrum, dissolvendum est in Aquam non elementarem, sed manus non madefacientem, hoc est mineralem, quæ Aqua est, Mercuri-*



curius qui ex seruo rubeo tractus habet in se, quod citra ullam manuum impositionem totum opus perficit.

Corollarium CAPITIS II.

QUæ omnia clarissimè docent non omnem promiscuè Mercurium imperfectorum esse Mercurium Sophorum, multò minùs Aurum vivum eorum, & adhuc minus Lapidem: Sed omnia imperfectiora esse subiectum Mercurij Sophorum, hunc Auri vivi, seu Sulfuris artis, illud junctim cum Auro Lapidis subiectum: Aurum autem vulgi solum per excellentiam totale Lapidis subiectum dici posse; nisi terminos, operationes, subiecta, aliàq; omnia confundere velimus, contra sapientissimum Proverbium, qui bene distinguit, bene docet: qui hoc nescit, aut præterit, in hac Palæstra sinè obtrectationibus non commorabitur, nam qui per invidiam conscius, aut per ignorantiam præsumptuosus, Tyrones in confusum Labyrinthum magis intrudit, semper contemnendus, & rejiciendus est.

CA.

CAPUT III.

De Præparatione

Corporum pro Mercurio Philosophorum.



Usq; huc generalioribus inhærendo, eminus tela incertiora, quia theorica missa sunt, nunc propius accedens dum de Practica agis, certioribus ictibus & rationibus cominus pugnabimus. Incipis cum Avicenna dicere, quod in solutione, vel argentitatem vivam reductionem corporum perfectorum, laborare oportet, quod uti dictum Philosophi veridici illibatum relinquimus; sed examinemus parumper, quod de proprio depromis talento, subjungens.

Verum cum hæc Corpora utpotè perfectiora, arctius constricta sint, ut ipsi in Mercurium reduci queant, primò præparatione, & physicâ calcinatione opus habent; quæ quidem non tam necessaria est in Argento, nam propter munditiem, & mollitiem facilè in id agit Aqua nostra, quod non fit in Auro & Argento, & reliquis Metallis, quæ omnia requirunt calcinationem, in quæ Aqua nostra facilius agit. B s Quæ

Quæ verba tanquam clara & ænigmatibus carentia, etiam planâ explicatione & examine indigent.

Imprimis quod arguis perfectiora arctius constricta, & duriorum coagulationem nata, etiam difficiliorem in Argentum vivum reductionem præbere, tanquam rem à Sophis nullo ænigmate absconditam, & per consequens ipsis Tyronibus notam præteribimus; sed quatenus secundum tuam Philosophiam prius Aurum & reliqua Metalla præparatione, & physicâ calcinatione indigeant, ut Aqua tua (DEus scit qualis) facilius in illa agat: item quatenus Argentum propter suam molliem & munditiem illa calcinatione physica non indigeat: aliquando accuratius indagabimus.

Primò proponis calcinationes & præparationes physicas: tēq; irridendum exhibes, dum crassas & mechanicas Metallorum præparationes, Lippis & Tonforibus notas pro physicis decantas, quas ut altiorum Cachinnum moveant, omni velamine denudabimus.

In primis extensè doces Metalla, in Lacte Virginis solvenda, prius per calcinationem purganda, & à Luna incipiendo, ipsam Aquaforti solvendam, Aqua falsâ præcipitandam, Aqua pluviali calente omni falsedine & acri-

& acrimoniâ privandam & exsiccandam, talémq; Calcem in superlativo gradu mundissimam deprædicas.

Miror iterúmque demiror, quòd Lactis virginis Possessor (à te Capite VI. propalati sub nomine & dotibus Alkahesti) tam stolidas prius Argenti præparationes impuras ridiculè proponis : nam si Alkahest scires & haberes, etiam cum tibi à te Cap: VI. citato Doctissimo Helmontio (qui ad hunc usque diem, in suo genere scribendi parem non habet) novisses, quòd Alkahest Argentum saltem simpliciter limatum aut attenuatum, absq; tua putatitia physica Calcinatione prævia, in primam resolveret Materiam, vel in Substantiam liquidam reduceret, pondere Metallii impositi æquiponderantem, cum conservatione Potestatis Seminalis, non quoad Seminationem, aut sui Multiplicationem (hanc enim destruit) sed quoad Dotem specificam medicinale ipsi in suo semine ab Omnipotenti inditam, absq; ulla sui Unione cum soluto, imò totali separatione, menstrui, non imminuti, nec quantitate, nec qualitate. Dixi absq; tua putatitia Calcinatione, quam Calcem jubes Aquâ calente edulcorari & omni falsedine privari, supposito iterum falso, experientia enim docet, quòd quomodocúmque lavetur, semper suo pondere au-

re augmentata invenietur, propter partem plus terrestrem salium, secum præcipitatum, & nulla Aqua calente separabilem, & quòd hac Calcinatione Argentum purgari dicis; nec non hanc Calcem ipso Metallo impuriorem factam, mundissimam nominas, non minus falsum, quàm stupidum est pro tanto Philosopho: Saltem ex Chymistis vulgaribus talia addiscere debuisses, de quibus Glauberus, aliq; similes sat superfluas chartas commaculârunt.

Nec minus video quâ doctrinâ asserere audeas Argentum, propter suam munditiam & mollitiem, Aquæ tuæ actionem, Auro aliisq; Metallis citius pati, & sic præviâ Calcinatione, ut illa non indigere: non enim comperio ullum sapientum, præter te, in Argento hanc puritatem Auro præpollentem; aut mollitiem aliorum, scilicet Auri, Martis Veneris superantem arguisse: nisi forsan Argentum vivum intelligere velles, cui tamen apertè sensus tui scripti refragatur, & tamè ille adhuc in talibus deficit; nisi sit Argentum vivum Philosophorum, quod solum Auro cæterisq; Metallis purius & mollius est, & veridice dici potest; melius fecisses cum Paracelso manere, à quo aliquam portionem tuæ doctrinæ suspiratus es, qui in Archidoxorum Libro tertio, ubi tractat de
simi-

simili Metallorum in Oleum reductione , pro Elementorum separatione: non solum Argentum sed & Aurum se dare nulla præviâ Calcatione, his verbis docet, Capite, de separatione Elementorum ex Metallis. *Quantum non omnia Metalla sic in Oleum reducuntur, nisi prius preparata fuerint, ut Mercurius sublimandus, Venus florificanda, Mars crocificandus, Iupiter reverberandus, Saturnus calcinandus, Sol & Luna facile se dedunt.*

Jam descendamus ad examinationem physicæ Calcinationis Auri, quam facis per Mercurij amalgamationem cum Auro glorioso, titulo ridiculo, quia cum Antimonio repurgato, per pellis compressionem, in Aqua forti solutionem, & atomorum subnigrorum subsidentium competenti igne reverberationem, ad acquirendum pulcherri- mum crocum. Si antecedens Argenti in Calcem reductio, ad quodlibetcūq; opus physicum, non solum non proficua, imò apertè nociva fuit, hæc plusquam vulgaris omni Chymiastro nota, si non nociva, saltem parum proficua, quod talem laborem recompenset. Quod cum Philaletha Authore à te citatissimo probo, ad quem, uti in multis essentialibus probandis & docendis Lectorem remittis, quomodo suam doctrinam rejicies, in qua stylo aperto hypotheses

tuas

tuas excludit, scilicet Aurum per tot lanie-
nas inutiles deducere, Cap: XV. exp'icis
his verbis: *Aurum perfectum in Terra visce-
ribus aliquando in frustulis arenâq; reperitur. si
hoc sincerum habere possis, purum satis est, sin-
minus purga per Antimonium, vel per Cineriti-
um, vel bulliando in Aqua forti Auro prius gra-
nulato, postea funde igne fusionis ac limato & pa-
ratum est.* Qui Textus Aurum purum fu-
sum (addit autem explicitè igne fusionis, ne
chymærici ad aliam fusionem, seu liquefa-
ctionem, hæc verba detorquerent) limari
jubet & paratum esse dicit: ad ipsum uni-
endum cum solvente: tu purgatum in Cal-
cem reducis, hic in Calcem reductum fusio-
ne ignis ad pristinam Metallī formam revo-
cat: mala concordantia; sed quia hæc Lis
parvi momenti est, transibimus ad tertiam
Calcinationem, quæ omnia Metalla indiffe-
renter includit, quam ex Paracelso ad tuam
rapsodiam accumulâsti. Nimirum Metal-
lum cum Mercurio amalgamandum per di-
gestionem, Mercurium sublimatione abstra-
hendum, iterum digestionē amalgaman-
dum, sublimatione abstrahendum, tot vici-
bus, quo ad Metallum cum Mercurio admo-
tâ candelâ, instar ceræ lique scat, hoc calore
Balnei vel Fimi equini, per mensis digestio-
nem, in Mercurium vivum, seu philosopho-
rum,

rum, seu metallorum, & materiam primam abibit: quem multi quæſiverunt, ſed pauci invenerunt.

Quod ultimum veriffimum eſt, quia res ſecundum præſcriptam Methodum non ſuccedit: nec unquam crediturus ero, te hac clave Tumbam Semiramidis clauſiſſe, imò citatum Textum nullo modo intellexiſſe; multò minus operando compleviſſe: quod ſequenti explicatione clarum fiet.

Imprimis metallorum calcinationem, & in Mercurium reductionem confundis: verum quidem eſt, Metalla cum Mercurio vulgi variè præparari & calcinari poſſe, ut præſens Methodus docet; ſed nunquam verum erit: quòd Metallorum maximè imperfectorum, non prius optimè & philoſophicè purgatorum, in eadem operatione cum Mercurio ſuccedat ipſorum Calcinatione & in Mercurium reductio, nec Mercurius adhuc impurus cum Metallis plus impuris, tale quid præſtabit, ſed omnia in pulverem, per ſupra dictam Operationem abibunt, ſi autem Mercurium, per ſublimationem fortiorè ſeparaveris, non reſſumet Metallum ad ſui Amalgamationem: multò minùs in Calcem levi igne fluentem, & adhuc minùs in Mercurium abibit vivum; quod ſi neſcis, experienciâ proba, ſin aliter eveniet, mendacij me arguas.

Non

Non tamen inficiās ibo, secundum aliud dictum Paracelsi, *in, per, cum,* & ex Metal-
lis perfecta Metalla fiunt: Metalla in Mer-
curium per Mercurium reduci posse, secun-
dum vulgatum dictum Sophorum: *fac Mer-
curium per Mercurium*; sed cum debitis Di-
stinctionibus id intelligendum est, nec non
multis Manipulationibus, in hoc Processu
mutatis, aliisq; additis; quas Paracelsus non
distinguit, multò minùs insinuavit, utpotè
relinquendas filiis artis, labore, & specula-
tione eruendas: quas tamen nunquam, nec
tu, nec illi invenient, qui in Præliminaribus
hujus Philosophiæ hærentes, erratis, nisi de
circumferentiali & putatitia Philosophia, ad
Centrum, id est Nucleum scientiæ Herme-
ticæ inspexerint: & tamen adhuc talis Pro-
cessus, qualem posuisti, quid cum tua pra-
ctica commune habet? certè nihil, ut paulò
post videbitur.

Jam ad quartam descendamus, quam ab
alio Philosopho putatitio tibi non absimili
(quia similia cum similibus facillè conveni-
unt) *Ioachimo Polemanno* adducis: nempe
beneficio Corrosivi duplicati, & satiati Me-
tallum in minutissimos Atomos dilaceran-
dum, ad tingentem animam suam menstruo
igneo solventi tradendam, quæ Operatio uti
phantasticè speculata, ita practicè nunquam
succe-

Succedit, & si succederet, quid anima tradenda igneo menſtruo, cum ſupra allatis commune habet; ſed quia intentum meum non eſt nugis inhærendo tempus & calamum terere, Polemannus, authoritate Pantaleonis, inter Neotericos facilè principis, in ſuo Biſoglio Metallico pag: 26. tanquam erroneus condemnabitur, dicentis. *Quod nonnulli ſicut Poleman in ſuo lumine volunt hunc Liquorem laudatiſſimum ex ſalibus propriè dictis depromere, erroneum planè eſt.* Et quod Operatio non ſuccedit, poſt binas lineas addit: *Et ſi vel maxime ſalia ſaturata in ſpiritum magno labore & torturâ ignis exprimantur, activum tamen ſolvens einde non emerget, ſegnes enim tales ſpiritus, multoties ingenti labore elapſis annis ipſemet paravi, nullo vero deſiderato efflu.* huc uſq; Pantaleonis verba, quæ uti clariffima, ita veriſſima ſunt: Dubitanti ad tam apertum lumen, utrùm Pantaleoni, an tibi plus credendum, experientia rerum magiſtra pro primo ſtabit. Hinc concluditur, qui aliorum errores, & putatitiam Philoſophiam, ad ſuam comprobandam adducit, illum talibus ſimilem in ignorantia paſſivum, aut malitioſè activum deceptorem eſſe; nam nunquam creditur, verè adeptus, gloriam ſuæ ſciētix, erroribus & ignorantia

denigrare velle, quam alij, ænigmatibus, occultoq; stylo obscurare anxie quæsi-
runt.

Tandem postquam alienis, tam practicâ
quàm doctrinâ à se invicem diversis, & à te
non intellectis, ideoq; confusè, chartam sat
implevisti : ad propriam tuam Methodum
descendis, statimq; secundùm consuetudi-
nem ignorantium qui quod nesciunt, doce-
re volunt, te ipsum confundis, tuamq; Cal-
cinationem etiam primam solutionem, ad
tuum libitum nominas, eamq; sic conficis.

Calcibus Solis & Lunæ, affundis Vinum
Vitæ, seu tuum Menstruum, à te Capite VI.
Alkahest appellatum, ad eminentiam unius
digni, & Capitello seu Alembico imposito,
in cinere, vel arena digeris, & coagulas, coa-
gulato novum Menstruum affundis, & ut
prius coagulas, idq; tertiâ vel quartâ vice
repetis, vel donec Calx metallica, ad lumen
instar ceræ vel glaciei lique scat, quod est si-
gnum sufficientis Calcinationis philosophi-
cæ cum conservatione Metallî in sua virtu-
te prima, & hoc dicis Conjugium Gabritij
cum Sorore Beja.

Quod Conjugium tu nunquam vidisti,
multo minus tua verbalis Methodus, in nul-
lo sibi invicem cohærens, tale quid erit.

Jam diximus, satq; probavimus, quod

Alka-

Alkahest, cum sibi à se solutis subjectis, non unitur, neq; coagulatur; sed se ipsum finitâ solutione segregat, vel in eodem vitro, subtus aut supra consistendo, pro varietate subjecti soluti, vel in abstractione separatim, & non junctim cum soluto ascendit, quod Helmontius, Pantaleon, aliq; moderniores aperte docent, talèq; tuum solvens non esse declarat Unio & Coagulatio, quam tuo Menstruo adscribis: quod quale sit, Capite sexto videbitur. Examinando hic paululum accuratius Operationes, Actiones, & Passiones, utrùm congruæ, possibiles, propriæ, & impropriæ, &c.

Menstruum ad eminentiam digiti Metallo in Phiola superfundis, Capitello seu Alembico apposito, igne cineris, vel arenæ digeris & coagulas: Jam quærimus, utrùm intelligis hanc coagulationem, cum totali remanentia Menstrui cum Metallo: id est, in Vitro per optimè cum Alembico unito, omni evaporatione prohibitâ humiditas menstrualis Metallo coaguletur; si respondes quod sic, dicimus erroneum esse, quia in Vitris absq; ulla evaporatione clausis, coagulatio liquidi cum sicco fieri non potest, nisi per mutuas actiones, & circulationes unum in alterius naturam declinando, in tertio, sive mediâ utriusq; natura coeant, & hoc non

succedit similiter, absq; rotatione & purificatione Elementorum, scilicet humidi, & sicci, qualis Operatio, si secundum tuum dictum cum Gabritio & sorore Beja, id est, Mercurio Sophorum & Auro, iterabitur pluries, quid aliud erit, quam ipsum Lapidem Physicum, finitum & multiplicatum produrre, non autem simplicem Calcinationem, seu ut magis tibi arrideat, primam simplicem solutionem facere: taliter nugari non est veri Philosophi.

Si autem opponis, te intelligere abstractionem M. nstrui per Alembicum usq; ad coagulationem, talem, qualem, iterumq; novi appositionem, ad terminum præscriptum. Nec ista Anchora sufficiens erit, quin in hoc vasto ignorantiae mari firmæ veritatis Hermetice rupi allisus naufragaturus sis.

Ecce responde ad quæsitæ, estne liquor Alhahest, Lac Virginis, vel Mercurius Sophorum, omnino homogeneous (id est ut gutta prima in distillando, ultimæ in virtute & qualitate respondeat) vel non, scio, ne prorsus idiota judiceris, responsurum quod ita, & hoc Authores, & inter alios pag: 68. Helmontium docere hunc Liquorem in balneo non ascendere, eò quod sibi in sua humiditate coæqua'is & homogeneous nil evaporabile in Balneo habeat, uti nec Mercurius So-

us Sophorum. Quo posito indubitatum manet primâ vice tantum Menstrui tui, cum Metallo remanere, quantum sufficit ad coagulationem, mediam inter liquidum & durum, & quod ascendit per abstractionem, ejusdem virtutis cum illo esse, quod remansit, ad quid ergo novi Menstrui additio & abstractio secunda, tertia, quarta, & pluribus vicibus, cum jam Metallum non plus ex eodem Menstruo retinebit, tam in quantitate, quàm in qualitate, sicut retinuit in prima abstractione, certè superfluum & inutile.

Si autem dicis in tali abstractione Metallum partem sibi plus amicabilem & convenientem retinere, & propterea repetendum, usq; dum tantum de Menstrui potiori parte tantum remaneat, quoad lique scat ad Candelam instar ceræ: Respondeo tunc tua Beja non est Lac Virginis, seu Mercurius Sophorum, sed supposititia ex Lupanari Sophistarum producta: non verò illa est casta Gabritij Sponsa, quæ in amore Sophorum inalterabilis, & cum Gabritio in igne indivisibilis, generat filium Ignis, tantopere à Sophis amatum: sicq; concludendo dicimus, quomodocûq; Scripta Sophistica larventur indoctis, sapientibus verò imponere nullus vestrum sibi persvadeat.

Corollarium CAPITIS III.

SIcut in antecedentibus dictum est, Aurum omnia ad completam Lapidis perfectionem in se solo habere, ita etiam certum est, Sophos infinitis sudoribus edoctos, Aurum tam arctè clausum, tamq; perfectè coadunatum invenissè, ut omnium laborum optatum finem, ad sui resolutionem cum conservatione virtutis seminalis multiplicabilis, spernat, quâ impossibilitate quasi perterriti opus deseruissent; nî, secundum vulgatum Proverbium: *Vexatio dat Intellectum*, denuò speculando, & laborando indagassent, sicut in regno vegetabili in terræ visceribus est humidum quoddam Lessas, quod omni vegetabili confaciens & connaturale illa omnia generat, vel per resolutionem in suam naturam seminis specifici terræ commissi, vel ex se ipso, cum fermento seminali specifico in locis reperto, sibiq; unito: Ita etiam in regno minerali Lessas quoddam metallicum: id est humiditatem mercurialem quæsiuere, & invenere in locis, ubi natura mineralia producit, quod dum propter imparitatem puritatis, cum Auro ad optatum finem operati nolle agnoscerent, per ultimam illius depurationem, hoc obstaculum removerunt, & in illo humido primordiali metallico, Aurum perfectum, tanquam granum seminale

metallicum resolventes, arte & igne juvante, naturam promoventes, ad finale intentum multiplicationis aurificæ pervenerunt, quod infallaci experienciâ cōmperti, infallaci postmodum doctrinâ licet obscurâ, posteris reliquerunt antiquiores, quæ obscuritas per aliqualem moderniorum Philosophorum illuminationem ita diminuta est, quòd omnes (nisi ad ipsam lucem cæcutire velint) uno Ore conclament, ex regno minerali illud Menstruum defumendum esse; sed quid, quomodo, & quando, causam præbet quotidianæ Litis, tantorumq; scriptorum, quæres quilibet, etiam indoctus, suam opinionem tanquam probabiliorem mundo exhibere. Unde quidam ingenuè, licet in toto, aut in parte erroneè, conceptam suam opinionem, & ex inditijs suarum, aut aliarum operationum conjecturatam, mundo obtulerunt, gratiasq; merentur pro synceritate & bona voluntate. Quidam aviditate gloriæ, aut lucri ducti, experienciâ paucâ, multa ex Authoribus malè compilata, pejúsq; intellecta, coadunant, & libros formant, eosq; effrictâ fronte typis committunt, & quamvis hic ex venditione sui scripti Typographo facta, lucrum: ille à Tyronibus & indoctis optatum applausum assequantur: à verè sapientibus autem Philosophis, alto cachinno excepti,

& velamine ignorantiae sublato, publico ludibrio exponuntur. Quidam licet rem optimè tam theoricè quàm practicè callentes; tamen cæcâ seducti invidiâ; sub sermone proditorio, & quasi apertè falso, hanc scientiam ita versutè tradunt, ut vix adepti, illis pares, illam enucleare queant, quasi gloriam apud sapiètes quærerent, quod tam ingeniosè sciverint sub duplicitatis (ne dicam falsitatis) larvâ ipsammet veritatem propagare. Quidam verò verè adepti, candidè, quantum majestas hujus Artis omnium scientiarum faciliè principis, permittit, ipsius dogmata, ad extremum claritatis terminum stylo philosophico tradiderunt, absq; fucò & sophisticatione; & hi Authores verè sunt laudandi, & legendi, cæteris suprà enarratis omnibus rejectis. Et utinam aliquis adeptus hoc opus pium, Tyronibus omnium utilissimum præstaret, stateramq; depromeret, quâ breviter vulgatiore Authores, succinctis rationibus librati starent, ut quilibet Tyro, in illorum æstimatione, quantum in hac Arte valeant, non erraret, neq; in Labirynthum tam verè, quàm falsè docentium incideret. Certè, quicūq; tale opus aget, plus utilitatis in hac Palæstra desudantibus præstabit, quàm qui novellos ederet libros, cum jam tot ac tanta de Lapide dicta sint,
ut ma-

ut maximus adeptorum sit labor, modum scribendi invenire, ne, jam semel dicta, redicant.

CAPUT IV.

De Solutione corporis secunda & vera, atq; reductione in Mercurium.

Actâ jam in præcedenti Capite, tuâ Calcinatione, seu ut magis solutione primâ svavi ac naturali sine stridore, cum humiditatis radicalis conservatione (quasi solvere & calcinare tuo suprâ dicto modo, in eodê tempore, præter decoctionem physicam in Vitro sigillato, itâ phantasticè, secundum tuum cerebrum contingere possit) in hoc Capite Calcem illam ad lumen candelæ instar glaciei liquecentem Phiolæ H.S. committere jubes & leni Igne B.M. vel roris, per mensem philosophicum putrefacere, & secundum tuum dictum, facta erit secunda & vera solutio Metalli in Aquam viscosam, seu oleitatē quandam, & in ea esse verum Sulfur metallicum, simulq; verum nobilissimum

C_s Mer.

Mercurium, & quod solvens manere cupit cum soluto, è quòd natura naturâ gaudet, natura naturam vincit, & immutat, atq; per hoc essentialis seu formalis, à corrosivâ solutione distinguitur. Argentum dicis abire in Liquorem seu Tincturam viridem, verum Elixir lunæ, Aurum verò in summæ rubedinis Liquorem, verum Solis Elixir: de quo Geber dicit: (sed non dicis ubi, ego enim licèt centies Gebrum perlustraverim, talem Textum nusquam inveni) *nos facimus Aurum sanguinolentum, melius à natura productum, quod natura nequaquam facit.* Aliosq; Textus consimiles, quos ut veneranda Sophorum dicta præterimus; sed illa ad tuam Philosophiam quadrare, multa in contrarium habentur.

Circa omnia ista tua dicta notandum, quòd uti in præcedenti Capite Metallum calcinasti vel solvisti, ut tibi videtur, hic autem Metallum cum Menstruo calcinatum Phiolæ Herni: Sigill: committis ad secundam solutionem & veram faciendam, in Oleum seu Aquam viscosam: Quæ operatio utrùm ad stateram Hermeticam stare, & quid inde eventurum sit, Cap: VIII. ubi filum practicæ per alia intermedia Capita interruptum, de nuò reassumis, examinabitur.

In-

Interim lubenter fatemur, multa subiecta sola, aut varia coadunata, humiditatis resolubilis in suo genere participantia, per decoctionem in Vitro Hermeticè sigillato, solvi, coagulari, purgari, separari, &c. secundum variam artis dispositionem, subjectorumq; qualitatem; sed hoc Axioma generale, non legitimat titubantem tuum particularem processum ad Lapidem institutum, cujus quia nullam Descriptionem exhibes, non aliter, quam ex circumstantiis ejus ineptitudo deprehendi poterit. Videamus ergo: in antecedenti Capite, ut jam sæpius dictum est, Menstruum ad eminentiam digiti superfundis, coagulas, idq; pluribus repetis vicibus: tanta quantitas, & toties replicata affusio Menstrui ad Metallum, ipsum indicat multæ levitatis, quod vero solventi sive Mercurio Sophorum consimile non est, hic enim à modernibus, qui clariùs aliquantulum quam veteres rem indicârunt, tam in via sicca, quàm in via humida ponderosus indigitatur, hujus testimonium perhibet Pantaleon examine Alchimistico, Pag: 15. ubi describens illum, Lac Virginis appellat, & Liquorem lacteum ponderosum, semitallicum à Mercurio currenti accidentaliter, non essentialiter differentem declarat; in via sicca, currentem & ponderosum demon-

demonstrat cum ipsa experientia, *Geber lib: 3. cap. VI. de Martis essentia.*

Densam autem substantiam illud habere manifestè monstratur per illius aspectum & ponderationem immensi ponderis, Auro enim præponderat, dum est in natura sua. quod non convenit cum jam dicto (stante enim & probatâ ponderositate Mercurij) primâ vice ad eminentiam digiti superfundendo pondus decuplum excedes, quantò magis si secunda, tertia, quarta & pluribus vicibus hoc repetis, non sufficiet nec ter, nec quater decuplum ponderis Mercurij ad unum Metall. Frustrâq; detorques Authores etiam legitimos ad has tuas nugas probandas; interim sub silentio præteris Philaletham, aliàs tibi familiarissimum, eò quòd in hoc puncto ponderis, absq; ullo sermone ænigmatico Capite XV. de amalgama Mercurij & Auri, & pondere utriúsq; debito. ponit triplum Mercurij ad unum corporis, vel duplo ad corpus, vel etiam triplum Mercurij ad duplum corporis. Si Philaletham ubiq; citas eò quòd consentit tuæ Doctrinæ, quomodo non consentit tecum in pondere, aut tuus, aut illius error est, quod ultimum absit dicere de vero adepto.

Ad ultimum quod dicis: Hac viâ facimus Mercurium, sine Mercurio vulgi: iterúmque
caput

caput præsens concludendo repetis. hac via facimus ex Auro Mercurium, seu vaporem unctuosum, non autem Mercurium vulgi, ut falso nonnulli imaginantur, quæ dicta quantas confusiones contineant, multa dicenda forent, sed nos ad confusionem in ipsa Confusione evitandam inferiùs plura dicemus: hoc tibi interim respondentes, quòd si ex Auro non facies Mercurium vulgi (melius dixisses currentem, nimis enim grossa ignorantia est, Mercurium ex Auro eductum, vulgarem nominare) nec te etiam hac tuâ imaginaria operatione ex Auro Mercurium Philosophorum unquam facturum, quem, quantum ex tuis scriptis patet, nullo modo nôsti: in cognitione enim Mercurij philosophorum, ejusq; tam in se ipso, quam cum alijs, tam vulgi, quam aliorum metallicorum mercurijs differentiâ, totale hujus artis fundamentum consistit: tu autem tuum in capite VI. describens eum infinitis nominibus ex authoribus compilatis decoras, de proprio autem unde quomodo & quid sit nil producis, nisi quod propriâ licentiâ, ad libitum tuo fatui imponis nomen hætenus inauditum (*Oleum salis mercuriale putrefactum & alembicatum*) seriam autem descriptionem, stylo saltem philosophico, quid, unde, & quomodo paretur (credens forsitan taliter

taliter doctorum censuram evitare) tacendo præteris; sed ampliando sermonem in per multis sophorum encomijs, eorum mercurio attributis (quasi tuus & illorum, idem quid essent) in universalibus manens hos lectorẽ consulere jubes, ET SCIES QUID SIT MENTRUM NOSTRUM: nesciens quod quilibet quam primum sapientum mercurium ex illis didicerit, tuum imaginarium *Oleum falsis mercuriale putrefactum & alembicatum* flocci pendet, & cachinno excipiet, tuasq; nugatorias tot calcinationes solutiones & coagulationes tanquam fabulas explodet: quia omnes in hac arte periti unanimiter declarant quod quando mentrum seu mercurius eorum debito pondere auro additus, vitro Hermeticè sigillato commissus est, unicâ etiam lineari decoctione, elementorum rotatio, circulatio, separatio, solutio, coagulatio, fixatio, calcinatio, ad albedinem, & rubedinem completur, vitro non solum nunquam reaperto; sed & immoto, propter imminens lapidis detrimentum: talia docentes si citare vellem, omnes adducere necessarium foret, quia omnes in hoc conveniunt.

Videat jam omnis prudens lector, quid tuis nugis mundo imponere præsumis, dum in capite tertio conjugium cum Gabritio & sorore Beia tuo modo celebras multis vicibus

bus affundendo menstruum & coagulando, in hoc capite IV. alio vitro Hermetice sigillato ad putrefaciendum per mensem committis in Capite VIII. iterum alio vitro sigillato, idem includis : quid inde venturum ibi examinabimus.

Corollarium CAPITIS IV.

AD meliorem intelligentiam subjungimus, industriose legitimos aucthores, solutiones uti & reliquas operationes confundere tam quæ extra vitrum sigillatum in præparatione rerum prima, quàm quæ in vitro sigillato, debitâ decoctione succedunt, iterumq; quoad intelligentiam variant, secundum viam quam tenent, siccam, vel humidam. Quorum omnium ut disputatio nostra, studiosis utilior sit, aliqualem elucidationem indicabimus.

Prima solutio intelligitur, dum imperfectiora, tanquam subjectum à natura arti subministratum, grossum subtiliando, solidum inliquidando, purum ab impuro separando, pro illorum solvente sophico præparant : atq; ex varijs subjectis specie, non genere differentibus, à natura, secundum plus & minus ad coagulationem deductis, aquam homogenam ab omni superfluo mundam edu-

educunt, illam operationem, tanquam à principaliori, solutionis nomine insinuarunt quamvis interveniant aliæ, & diversæ manipulationes : scilicet sublimatio, distillatio calcinatio, &c.

Interdum intelligunt Philosophi primam solutionem (quæ respectu jam ante dictæ ut plurimum secunda appellatur) quando Aurum ante dicto menstruo, in vitro sigillato conjunctum, ab illo prius penetratur & solvitur, antequam in nigredine ambo coalescant : secundum tritum Proverbium *Solutio corporis, est Spiritus coagulatio* : Aurum enim suo solvendi mercurio sophico committitur, ut facibus internis (quia externis caret) liberatum, post intimam ipsius purificationem & mortem, gloriosum, non Metallum, quod ante erat ; sed Lapis Aureus in sua puritate & virtute, infinite multiplicatus resurgat : quod absq; solutione corporis, eâq; duplici evenire non potest : licet in uno vitro, in unaq; decoctione succedat : in prima enim unionem amborum, Spiritus incipit Corpus penetrare, invertere & solvere ; sed quia in illa actione, terreum Auri, ad Corpus licet Metallicum sat perfectum & necessarium, ad Medicinam verò superfluum ; adhuc non separatum ; sed solum extra vertitur, succedit & eodem tempore
Spiri-

Spiritus Coagulatio, donec corpore totaliter recluso & inverso, ambo in qualitate media, inter liquidum, & durum, in nigredine, inseparabili unione, coalescant: ad quod dum, exacto ignis regimine, perventum est, dum demum incipit, vera illa à Sophis tantopere decantata Solutio (ad quam prior Solutio Corpus disposuit: & hæc est Mens Philosophi, dum dicit per primum Spiritum corpora calcinantur, ut per secundum melius solvantur) illa secunda (sic dicta respectu antecedentis) dum Aurum jam solutum & reclusum, ejus Sulfur & Spiritus essentialis igneus liber factus, incipit subtile à Spisso separare, nec non terreum superfluum pededentim ad fundum vasis detrudere, ex qua terrestre itatis rejectione sequitur secunda totalis Solutio, non amplius in medium quid inter liquidum & durum, nec non in nigram fuscā, sed claram, albam, lucentem, totaliter liquidam substantiam, id est verum purum Mercurium volatilem Sulfur luminarium participantem; omnia ad opus necessaria in se habentem, verum unicum & totale lapidis subjectum: qui absq; ulla manuum impositione, totum opus perficit: quod sic fit, Spiritus enim igneus huic Mercurio inclusus, post omnimodam superflui separationem iterum impulsu naturali, &

D

nutu

nutu Diei, ad suæ naturæ fixitatem, nec non coloré tingenté redire cupit; sed quia actio ignis innaturalis, solo naturæ motu tardè procedit (proùt in mineris videtur, quæ multa sæcula requirunt ad sui perfectionem) industriosus, artificiali, per suos gradus limitato igne, hanc rem per suum Artificium ad ultimum puritatis terminum deductum, ulteriori, nullóq; modo interruptâ decoctione fovet, ità ut ignis internus, huic Mercurio inclusus, ab externo adjuvatus, & excitatus, incipiat in humidum agere, nec non illud per minima puncta, ad punctum coagulationis & fixationis totalis perducere, quæ coagulatio, non ut prior ex sicco & liquido in medium, inter durum & molle in nigredine; sed quia ex solo & antecedenti nigrâ massâ resolutâ, & purificatâ, emergente Mercurio succedit: etiam necessario in albam, omnemq; albedinem superantem, terminatur. Quâ terminatâ, incipit & hujus Sulfuris color, per cautam ignis violentiam paulatim emergere, donec non solum in fixitate, sed & in colore suum exuberantem terminum assecutus sit:

Et hic est magnus ille Labyrinthus, in quo intricati vagantur Tyrones, dum nesciunt distingvere diversas operationes, diversa intentione nec non diverso tempore confusas:

fusas: omnes enim illæ, quæ in prima præparatione Metallorum imperfectorum manuali fiunt: eadem quasi omnes, Mercurio & Auro in vitro Hermeticè incluso absq; ulla manuum impositione, iterum succedunt; & hoc more confusionis (semper magis à Sophisticis & deceptoribus auctum) non transitur absq; ingenti studio, & multo labore.

CAPUT V.

Quid sit propriè

quinta essentia.



Hoc capitulum, tanquam alienum à nostra disceptatione, quæ de Lapide physico instituta est. præteribimus, sed ad doctissimum nostri sæculi lumen Helmontium, lectorem remittimus, qui in tractatu *tria prima Chymicorum principia*, neq; eorundem essentiam de morborum exercitu esse, *Num. 44 dicit*. Sequitur inde etiam nullam proprio nomine dici Essentiam Quintam, si quintum dicat relationem ad quatuor, est ergo inventum Quintæ Essentiæ Chymicum. *Item num. 75. dicit*. De Essetia Quinta est sobriè scriptum hætenus;

quasi gloriosum sit per ignaviam subscripsisse aliorum commentis &c. Ubi sat doctè disputat de Quinta Essentia.

CAPUT VI.

De igne Philosophico seu Menstruo Solvente aut Liquore nostro Alkahest.



Titululus hujus capituli nil verius continet, quam dum tuum Alkahest asseris; necessario enim tuum est inventum, dum cum nullo aliorum Alkahest convenit; quod etiam in medio hujus capituli propria licentiâ (non scientiâ) ad tui placitum nominas Oleum salis Mercuriale putrefactum & alembicatum: illudq; ab omnibus Sophis summo studio occultatum clamas: & præcipuè à Bernh. Trev. explicitis verbis dicente: Sese nudis verbis nulli hominum expositurum, Deo votum, Philosophis & æquitati præstitisse; sed quod Bern. Trev. in fine tertij sui libri ubi ille textus habetur, non de Menstruo Sophorum, multò minùs de tuo somniato Alkahest aut

Oleo

Oleo salis Mercurialis, loquatur, ipse textus probabit, dummodò integer, & non mutilatus (ut tu illum scripsisti) adducatur: nam postquam de pondere tam artificiali, quàm naturali multa differuit, dicit. Ego ipse tibi explicaré, nisi Deo, Æquitati & Philosophis votum fecissem, me nunquam nudis & claris verbis pondus, Materiam, & colores descripturum nisi sub Parabola, quam brevi habebis. Quid quæso hic textus de menstruo occultando scribit; sed te Bern. Trev. mentem, ejusq; doctrinam nullatenus percæpisse tam ex hoc, quàm ex sequentibus clarè patet: etenim si illum intellexisses, atq; tu unus ex Philosophis realiter esses, sat utiq; ex ipsius scriptis cognovisses, illum tuæ doctrinæ Hypothesin, tuumq; Oleum salis Mercuriale omnimodò excludere, dum docet Menstruum Solvens expresse manere debere, sub forma Mercurij currentis, prohibétq; ipsum à forma Mercuriali corrente alienare, eò quòd reddatur inutilis ad solutionem & opus physicum, ejusq; verba talia habentur in Epistola obsequij &c. pag. 96. *Errant quoq; illi, qui sic putant Aquam Mercurialem transparentem ex Mercurio extrahere. & ex illo multa mira operari. nil tamen prodest ad opus; nec potest restaurare, seu edificare speciem perfectam Metallicam: quàm cito enim Mercurius*

à sua prima Natura mutatur, tam citò prohibetur ingredi Opus nostrum Philosophicum. & pag. 100. addit. Oportet enim speciem Mercurialem & formam manere incorruptâ, manēte semper illasâ suâ fluxibilitate. Responde quæso, quomodo vis tuum Oleum salis Mercuriale putrefactum & alembicatum, cum jam enarratâ doctrina Bern. Trev. combinare, qui solum viæ siccæ inhærens, talia excludēdo, nūllum alium Mercurium quam Metallicum currentem, pro Menstruo Solvente agnoscit, tu tamen eum ad tuæ doctrinæ comprobationem adducis, quid hoc aliud indicat, quam te, vel indocte, rem non intelligens vel frivole quod tibi arridet ex tibi contradicente Authore adducere, aut melius detorquere, ad tua dogmata comprobanda: quod verè philosophantium mos non est. Quod magis attestabitur ex Augurelli authoritate à te post Bern. Trev. adductâ.

*Tu quoq̃ ne cœptis Cylleni audacibus unquam
Defueris, Argentum vulgo quod vivere dicunt
Sufficit, & tantis præstat primordia rebus.*

Iterum quæro, quomodo & hos versus Argentum vivum vulgi indigitantes, accommodabis cum tuo supposito cap. IV. Ubi de Menstruo tuo & solutione solis loquens, dicis: Hac viâ facimus Mercurium vulgi

vulgi finè Mercurio vulgi, Augurellus autem clarè asserit quod Argentum vivum vulgi præstet primordia tantis rebus nec o-mittis Riplei textum, superaddisq; Gebri verba (sed denuò non dicis ubi, ego enim, in omnibus Gebri scriptis impressis nusquam illum invenire scivi, nisi in libro primo suæ Summæ cap. XIII. ubi de sulfure disputans, dicit simile quid: Per DEum altissimum id illuminat omne corpus est lumen & tinctura) quæ tu taliter ponis, per DEum altissimum hæc est Aqua illa quæ lucernas accendit, domos illuminat & abundantiam divitiarum præbet &c. Quis omnes textus uti & à te adducta multa nomina particularia à Philosophis eorum Menstruo attributa, nunquam probabunt, illos tuum Oleum Salis Mercuriale, indicare, multominùs, illud tuum Oleum esse nobilissimum illum liquorem omnia subjecta sublunaria in Aquam reduc-entem, absq; ulla sui cum solutis unione &c. à Doctissimo Helmontio, & alijs, Alkahesti nomine dotatum. Quod quantum distat à tuo somniato (nescio quali) Oleo Salis Mercurialis, per effectuum differentiam, & aliorum doctrinam ad nauseam huc usq; dictum ulterius demonstratur, dum tuum Oleum cum soluto permanenter coagulas, Alkahest omnia resolvit, absq; sui unione & coagula-

tione, cujus tibi testimonium explicitum exhibebit tuus tibi æstimatissimus Philaletha, dum dicit cap. XI. de inventione perfecti magisterij. *Eâdem ratione confirmati salia cuncta repudiârunt, uno Sale excepto qui est salium Eus primum, qui quodvis Metallum dissolvit, eâdemq. operâ Mercurium coagulat, & hoc non nisi viâ violentâ, quare agens istud integro pondere & viribus à rebus iterum separatur. Quod melius ante binos annos docuit, inter Hermeteticos non postremus, Anonymus sub nomine Pantaleonis, in suo Bifolio Metallico pag. 27. Liqueor Alkahest in unica distillatione plerumq. munere suo fungitur, & immutatus iterum separatur: & sequenti paginâ docet, quod idem liqueor Aurum adjunctum interficit, & tandem in salem volatilem medicinalem reducit, quod ultimo cum alijs adjunctis in Aquam Elementalem insipidam abit: Ubi nam jam remanet, auri, svavis sine stridore, cum conservatione humidi radicalis metallici, per tuum Alkahest solutio? aut ejusdem cum Metallis solutis constans coagulatio & inseparabilis unio? Ne ergo tibi bilem moveat, te incongrua, ne dicam falsa, publicè scribenti, publica accidit reprehensio. Quam forsan credidisti effugere, dummodo multis sapientum auctoritatibus (tanquam rana alienis pen-*
nis)

nis) ornatus, lectori non descriptionem rei legitimam, sed solum nudum, & phantasticum, Olei Salis Mercurialis putrefacti & alembicati nomen obtruderes, & post multa verba Encomia, ab authoribus excerpta, legentem ad illud ex illis, non à te qui invenisti, ad discendum delegares his verbis. *Hos consule & scies quid sit Menstruum nostrum.* Nescius, quod omnis qui præfatos authores debite intellexerit de tuo chymerico Oleo Salis parum sollicitus, clare videbit, te potius compilatorem, quam authorem lectu dignum esse, solumq; nomen Hermeticis inusitatum, modumq; verbalem operandi inusvetum apponere, absq; quod apertiori Philosophico stylo, secundum Philosophantium morem, doceas, quid, unde, quomodo & quando, illud præparetur: unde & merito, per examen in antecedentibus factum, sufficienterq; probatum scriptum hoc tuum rejicimus, salvâ interim veneratione sententiarum sapientum, quas intimè colimus; sed te ex numero eorum excludimus, nisi tua scripta aliter explanando, aut corrigendo, melius defendas.

Corollarium CAP. VI.

DIximus in antecedentibus Aurum à sophis unicum & totale initium statui, ad aurificandi finē consequendum; itēq; seriō monuimus, quod quasi impossibilitate perterriti, Aurum tanquam impenetrabile deseruissent: secundū vulgatum Proverbium. *Facilius est Aurum construere, quam destruere.* Nisi, ad imitationem vegetabilium *Leffas* invenissent, in quo granum Aureum tanquam à natura ultimum semen Metallicum resolvissent, & ad sui multiplicationem promovissent: quōdq; illud *Leffas*, secundū correspondentiam naturarum, necessariō metallicum, & ex regno minerali desumendum, vix fatuorum opinio hodieum contradicit: quoniam autem Regnum Minerale, multa & varia, secundum varias variorum opiniones, includitæ iterum novum surgit dissidium, quid accipiendum, quomodo & qualiter præparandum, quid reiiciendum, quid deniq; conservandum, ut obtineatur illud, quod tanta Sophorum Encomia meretur: quia Aurum tanquam masculinum semen, à natura sufficienter paratum, & à Sophis absque ullo ænigmate indicatum, ubiq; ad abundantiam venale habetur *Leffas* autem
minera-

minerale nullibi vendibile intenso studio inveniendum, nec non multiplici sudore ac industriâ elaborandum esse, unâ voce concludunt.

Ad quod opus perpetrandum, quidam apparente & superficiali Philosophiâ (omnia ex Sale constare, omniâq; finaliter in Sal reduci) seducti, in Maris, Gemmæ Armoniæ, Aluminis, Nitri, Boracis, Vitrioli, & id generis similibus, tanquam ex substantia salina, ex cujus initio omnia mineralia producuntur, hoc solvens educi sibi, aliisq; persvaserunt: inscij quod nunquam ista genera Salium, quomodocunq; præparata, cum Auro in Aurum, multominus in Auræam Medicinam inseparabiliter coibunt.

Alij astutiores tam remotum & incertum iter nauseantes vicinius rem aggressi, nec non Metallicam silvam ingressi, rem in Marchasitis Pyritibus Antimonijs, variisq; mineralibus nec non ipsis Metallis imperfectioribus tam fufis quam non fufis, rem aggressi doctrina sat propria (per imperfectiora ad perfectiora transeundo) quæsiuerunt, laboribus autem improprijs extra homogeneitatem mercurialem tendentibus non invenerunt. Tandem ultimi, docente trito proverbio (considerandum est diu quod statuendum est semel) & quod omne simile

simile appetit suum simile, aurumq; nil nisi purum Mercurium, cum pauca terra seu sulfure puro coagulatum, etiam cum suo simili purâ & homogeneâ humiditate metallicâ elaborandum, infallibiliter statuêrunt: sicq; ex speculativa sat certâ, certiorē instituentes laborem, finem optatum assecuti, non solum id varijs libris docuerunt; sed & diversis hinc indè exhibitis experientijs per projectionem multoties factam unanimiter mundo comprobarunt: relicta interim inter illos viâ humidæ, & siccæ insistendi differentiâ, quæ quamvis pro utrâq; parte non erronea: sat ardua tamen, & confusa est, ad hujus artis sequaces labyrintho vix extricabili implicandos: quibus accedentes libri erronei sophistici deceptorij quamvis in apparentia docti, hanc scientiam taliter offuscant, ut vix ex millibus unus, rem verè intelligat, aut ritè conficiat: nisi Manu DEI immediatè, vel manu Amici mediatè ducatur.

Differentia autem est talis: qui viam siccam coluêrunt homogeneitatem mercurialem supponentes, ipsam quôq; sub forma mercuriali, currentem, manus non made-
facientem, & à proportionē & forma metallicâ, intus & extra inalteratam, inevitabiliter statuêrunt: ideo omne id, quod ante
in,

in, vel post præparationem aquæ permanen-
tis, formâ Metallicâ aut Mercuriali, tactu &
aspectu careret, ab officio & dignitate debiti
solventis, excluderunt, contra alios sophos,
non minùs veridicos: qui ex subiecto Mi-
nerali Mercuriali & Sulfureo, ab ipsis sub no-
mine, *Electri mineralis immaturi*, indigitato,
humiditatem mercurialem Metallicam, præ-
viâ superfluitatum separatione exactissimâ,
homogeneam, lacteam, liquidam, manus
mafacientem, ab exteriori forma metalli-
ca & mercuriali alienam, cum & sine Auro,
in toto sui esse coagulabilem, & permanen-
ter in igne fixabilem producentes, omnium
antecedentium hypothesin condemnârunt,
& tamen ambo, suo modo, verum dicunt:
eò quòd solvens illud, quamvis sub differen-
ti forma appareat, nec non per differentes
encherefes producatur, tamen unum &
idem est in suo originali esse scilicet ex hu-
mido radicali metallico purissimo constitu-
to; ita etiam in fine in idem scilicet lapidem
physicum terminando utròsq; totali expe-
rientiâ in sua opinione comprobando, fefel-
lit; ut quilibet eorum aliam, præter suam,
non agnoscens viam, cæteris contradixe-
rit.

Labyrinthus autem ille forsan per plura
adhuc durâset sæcula, nisi Divina bonitas
in

in hoc lustro sua subjecta illuminâffet, ad Battonem in hoc bivio statuendum, ut quod antiquiores nescivêre, aut noluêre, moderniores apertè declararent, binas has vias, ex una via originali exortas, uti ambo veras, ita in unam iterum viam, id est Magnum Sophorum Elixir terminare: quòd sequenti modo succedit.

In via sicca mercurius vulgi vel quivis in metallicis contentus, tanquam, principium metallicum à *Gebro*, à *Paracelso* metallum *apertum*, ab indocto vulgo *Argentum vivum* non impropriè appellatum, præ manus sumitur, & per sublimationem, id est separationem perfectam puri ab impuro ad homogeneitatem mercurialem deducitur: quod iterum, secundùm diverforum doctrinam, diversâ fit methodo, vel in mercurio simplici, cum ejus sublimatione à rebus sibi in natura non convenientibus, ut sunt Talcum Marmor, Calx, Vitrum, & quodcûq; genus salis præparati: prout doctè & apertè docet *Geber*, omnibus in claritate & sinceritate scribendi non post habendus: nam à sapiente, remq; bene intelligente, integrum lapidis processum verbotenus, ex illius verbis nullo modo mutatis, sed hinc inde sparsis, collectis & solum per particulas conjunctivas connexis, exscribi posse, lubens attestor, & in

& in cap. VIII. corollario candidè præstabo, ut omnis etiam mediocriter doctus rem capere & facere potis sit. idq; taliter esse ipsemet Geber, in fine libri quarti suæ summæ, in recapitulatione attestatur hisce verbis : *Sed nos ne mordeamur ab invidis, narramus, quoniam non tradidimus scientiam nostram sermonis continuatione ; sed eam sparsimus in diversis capitulis. & hoc ideo, quoniam tam quidem probus quàm improbus ad eam perveniret : neq; sub enigmate ; sed sub plana sermonis serie eum allocuti sumus. Idè reconfirmat libro investigationis, in fine in recapitulatione. Certi sumus & experienciâ manifestâ cōprobavimus, omnia verba vera esse, quæ jam per nos solos in nostris voluminibus scripta sunt. Sapiēs ergo artifex in nostris studeat voluminibus colligendo nostram dispersam intentionem, & collectam probet, donec ad cognitionem studendo & experimētando perveniat. Prout diximus Geber docet capite de sublimatione mercurij : quamvis tamen & ipse mercurij elaborationem cum rebus sibi à natura conveniētibus non ignoraverit, quod facilè colligitur ex illius verbis libri quarti, suæ summæ cap. de medicinis argenti vivi & ingressu earum. . Sed ex quibus maxime hac argenti vivi substantia elici possit solet quari, & nos respondentes narramus, quod in quibus est ex illis elicitur, est autem tam*
quidē

*quidem in ipsis corporibus, quàm in ipso argento vivo secundum naturam, cum unius sint reperi-
tæ naturæ; sed in corporibus difficilius, in argen-
to vivo autem propinquius, non autem perfe-
ctius.*

Et hoc perfectius, est Mercurius ille cur-
rens, à modernioribus (*Bern. Trev. Sendivo-
vio Enchiridion Philateta &c.*) tantopere de-
cantatus, qui ex mercurio simplici commu-
ni & corrente, cum corporibus metallicis,
tanquam à rebus sibi in natura convenien-
tibus, sublimatus, purificatus, ex ambo-
rum mediâ & purissima substantia, tam mer-
curiali sulfureâ coagulata, quàm non coagu-
lata, tanquam per alteram & à superiori dif-
ferentem methodum, eductus; verum il-
lud humidum radicale metallicum, & A-
quam permanentem sulfureo mercurialem
& mercurio sulfuream, seu illam (secundum
Enchiridion in arcano Hermetico §. LVIII.)
*virgine Malatam mundam semine spiritali pri-
mi masculi imprægnatam, intemeratæ virginita-
tis gloriâ remanente gravidam: id est mercu-
rium duplicatum* cum omnium modernorum
applausu constituit. Priorem modum tota-
liter docuit Geber, posteriorem jam dicti au-
thores, utrumq; modernus *Pantaleon*, uti
& viam humidam sat doctè, licet succinctim
explanavit, ad quos lectorem remitto ut ex
meis,

meis, nec non illorum, scriptis rem melius capiant, secundum sapientum Proverbium, *Sermo sermonem explicat, liber librum aperit*; quod à nobis usq; huc ordinatim indigitatum sufficiat.

In via humida omnia formaliter metalli-
ca spernentes, unicum illud, sub *Electri Mi-
neralis immaturi* nomine, Anonymum accipi-
entes, omnibus superfluitatibus industria-
sâ operatione adeptis, non Mercurium vi-
vum currentem sed liquorem lacteum pon-
derosum, ab omni superfluo aqueo & terreo
liberatum, & homogeneous eduxerunt, &
cum illo Mercurio humido & fluido, sicut
antecedentes cum metallico currête, & non
madefaciête (uterq; in sui intimo esse nullo-
modo differente, licet externâ formâ & aspe-
ctu vario) scilicet lapidê tingêtem in Aurum,
Auro vulgari adjuncto confecerunt: quod
ut in expertis possibile faciliusq; credibile
reddatur; quatenus possibile sit, tam Mercu-
rium currêtê, quam liquidum, tam per se so-
lum, quam adjuncto Auro coagulari (secun-
dum dictum Morieni dum Rex vidit Aquam
coagulare seipsam, tum Artem credidit ve-
ram) nec non in siccum abire: duobus ex-
perimentis ad similitudinem comprobabo.

Primum de Mercurio vulgi currente, il-
lum enim videmus adhuc vulgarem id est

E

nullo

nullo modo separatum, per simplicem & vulgarem, ignis decoctionem, facillimè in pulverem tactu & aspectu siccum abire, ita ut nulla in ipso amplius conspiciatur liquiditas. Et licet ille pulvis cum continuata in suo igne dedoctionis perseverantia totaliter fixatus, fusione careat, non tamen obstat, quin non probet humiditatem Mercurialem & currentem ex sicco in liquidum (docente Gebro suæ summæ libro secundo cap. XVI. de coagulatione Mercurij & rerum solutarum. Alij verò necessariò ex principijs naturalibus supponentes, humidum quodlibet ab ignis calore in siccitatem converti) abire posse, nec non etiam quin mercurius debitè separatus & homogeneous factus (secundùm eundem Gebrum cap. de martis essentia docentem) per successivam illius iteratâ vice sublimationem figitur, & non in terram vertitur: sed fusionem dat metallicum.

Alterum quod Mercurius liquidus made-
faciens, absq; ullius sui humidi evaporatio-
ne totaliter coagulari possit, experimento
ovi comprobatur: quod quia vi coagulante
internâ præditum est, in igne æqualiter &
totaliter induratur, & ex liquido & fluido in
coagulatum & siccum mutatur. Pari modo
liquor ille lacteus Mercurialis, quia vim co-
agu-

agulantem metallicam sulfuream in se habet, vi ignis interni iuvante externo, non minus ut alter currens non madesfaciens in substantiam siccam & coagulata abibit: quæ similitudinaria probatio multos in suis operibus titubantes non parum confirmabit; simulq; explicabit quare Ovum Philosophorum dicatur, vas igni superpositum, non quod Ovi figuram (uti multi etiam docti in hac arte superficialiter iudicarunt) sed quod vitrum illud corticis instar, substantiam in se, & ex se, in toto sui esse (sicut Ovum cum suo vitello) cum rubedine sulfuris sibi incluso, coagulabilem contineat, ut sic similitudinariè talem operationem indicarent.

CAPUT VII.

An menstruum solvens sit corrosivum.



Nunc hoc capite disputas, utrum Menstruum solvens seu Mercurius Sophorum sit corrosivus, & dicis videri Gebrum huius esse opinionis: dum in Summa Perfectionis inquit: *Omne quod solvitur necesse est Salis, Aluminium & eorum natura*

turam habere : item Paracelsum ad idem inclinare, varijs ex ipso adductis textibus demonstras. Tandem tuam opinionem proponens concludis his verbis : *Sciendum tamen Menstruum nostrum Auro affusum, propriè corrosivum dici non debere ; sed potius igneum, cuius arcani vis, atq; virtus vincit omnia venena, cum omne realgar (id est mercurius vivus sublimatus & præcipitatus) in salis Elixirio mori debeant, deveniantq; ad singularem & summam tincturam : dum etiam per menstruum nostrum non fit violenta solutio, qualis per aquas fortes regias &c. Sed ut supra cap. quarto dictum est blande suaviter sine ullo stridore cum conservatione humidi radicalis, cum cuius spiritibus ut habet Lullius in vade mecum infunditur virtus vivifica in materijs.* Quamvis prædicta quæstio solum philosophastros, & putatitios Hermeticos torqueat, legitimiq; authores (præter unicum Paracelsum cui uti ipse fatetur, placuit in nominibus ludere & suo modo intelligendus est) de illa vix sermonem moveant ; & ideo quasi omittenda foret, sed tamen ut & in hoc, & tibi, & lectori satis faciamus breviter proferimus.

In primis quod dicis de Gebro, illius textum ad hoc detorquendo respondeo : illum, nullibi in suis scriptis, an mercurius seu
men-

menstruum sophorum sit dulce, vel corrosivum, disputare, neq; vel unicum qui de similibus in suis libris inveniri multo minus posterius, uti tu vis indicare, textusq; adductus, te aut ignorantia, aut malitia aperte accusat: nam in sua summa libro tertio cap. VII. de veneris Essentia, ubi præsens textus habetur dicit *Martem, & Venerem facile in ponticis solubilem*, ergo oportet illos multum aluminositatis Sulfuris habere, & causam allegat his verbis (quæ tu in alio sensu & verbis posuisti) Non enim ponticum & facile solubile reperitur aliud quàm alumen & quod suæ naturæ est. Dixi *ignorantia*, si non cæpisti quod Geber, de corpore quod facile solvitur, non de Menstruo quod solvere debet ibidem loquitur: aut *malitia* dum verba transponendo ad alium sensum trahis.

Dicta Paracelsi suo loco relinquens; potius ex te quæro, quomodo antedicta verba intelligis: *quod tuū Menstruū non sit corrosivū sed potius Ignē, cuius Arcani vis omnia Venena vincit cum omne realgar: &c.* inprimis nil invenio apud Hermeticos Authores, quod eorum Mercurius seu Menstruum, cum venenis, Realgare, Mercurio, Sublimato, Præcipitato, quidquam negotij habeat, multo minus illos docere, quomodo ista in illo debeant mori, deveniantq; ad summam tin-

cturam; similesq; nugas. Item quæro ad qualem tincturam, Metallicam Realem, aut Sophisticam (nisi forsan ad tincturam Medicinalem intelligi velis, neq; & hoc hic quadrat) & quomodo hoc succedere possit. Apage quæso cum similibus fabulis, quæ aliud non probant, quàm te multa garrere, absq; quod ipse scias quid dicas, & quod peius, cum sapientibus tibi contradicentibus, illa probare præsumis, quos tu ipse non intelligis, & quid dicant nescis. Interim concludo ex tuis usq; huc scriptis, te Salino aliquo Enthusiasmo ebrium, alijs te sobrium & sapientem venditare cupis, eo quod tuum solvens non ut Aquæ fortes Regis &c. Cum strepitu solvat, sed quietius rem peragens, tibi imaginariis multa, quæ, tempus & experientia longè aliter esse, te docebunt.

COROLLARIUM CAPITIS VII.

OMnes isti putatitij Hermetici multum se torquent, circa punctum illud corrosionis, eo quod ab omnibus Sophis talia reiiciuntur: unde illi, verè Philosophantium doctrinæ, incapaces, similibus rebus Salinis & Ponticis inhærent, quilibet illas ad suum modum, & ad suos labores explicando, multum cogitat

gitat multumque operatur, dummodo talia taliter præparare sciret, ut Aurum absq; strepitu, ebullitione, fumo, svaviter, sine stridore, solveret: & dum tale quid invenerunt, vel sibi imaginati sunt. propriâ jam scientiâ turgidi, quasi punctum principale invenissent, plurimas authoritates ad suum imaginarium conceptum trahentes, sibi ipsis applaudentes aliorum applausum publicum appetentes, cum scriptis stolidis, & intelligenti ridiculis, multis tamen probatorum authorum sententijs improprie & insipide adornatis, in publicum prodeunt, & uti maximè illorum mentem angariavit punctum illud corrosionis, ita etiam ut plurimum, de illa corrosivitate Menstrui multa disputant (cujus veri Sophi vix transeundo mentionem faciunt) nescientes interim duo puncta; primum, quod qui verum sapientum Mercurium invenit, etiam scit, ipsum nil nisi quod suæ naturæ est combibere; non autem corrodere, & per consequens de isto puncto parum sollicitus est.

Secundum, quod quamvis & tale quid invenerint secundum eorum imaginationem, tamen adhuc nihil Philosopho dignum habeant, Quod præsens Mechanica demonstrabit.

R. Auri foliati q. V. & subtilissimè cum

E 4

Salis

Salis Armoniaci & Nitri quantitate abundanti super Marmor, vel Vitrum tere, omnia optimè & subtilissimè trita & mixta, in cella pone, & Salia svaviter, & guttatim in Aquam defluent, & cum illis Aurum, absq; stridore, ebullitione, imò & absq; calore solvetur. Quod idem probat Gebri. Mechanica libri Investigationis, cap. de perfectorum majori perfectione & subtiliatione : ubi Aurum post exactam ipsius calcinationem, lavationem in calcem reductum, & exsiccatum, cum Sale Armoniaco unire & terere jubet, & in cella solvetur in Aquam clarissimam, quæ & ipsa, ut prior absq; stridore succedit, ergo est Solutio Physica? neutiquam : quamvis indocti & putatitij, multa talia iisq; similia sibi imaginantur nec non & alios docent.

CAPUT VIII.

De Practica Lapidis.



N hoc capite practicam Lapidis doces his verbis. *Postquam tigentē planeta Animā, seu veram*

veram illius Quintam Essentiam, præviâ putrefactione nactus es, in qua verus Mercurius verumq; Sulfur Philosophorum latent, tunc tua Materia apta est & ex enata fieri Lapidem nostrum benedictum; accipe ergo, hujus Materiae purissimæ quantum sufficit & inde ovo Philosophico H. S. colloca in Atanore & convenienti Ignis regimine digere à prima conjunctione ad perfectam usq; ablationē: quibus dictis; ad ulteriorem, decoctionis atq; signorum nec non & colorum in illa evenientium, notitiam habendam, ad Philaletham Authorem tibi colendissimum Lectorem remittis (quasi illius & tua doctrina eadem, in omnibus conveniret, quod quàm erroneum est, jam ante dictum est, & in sequentibus ulterius dicetur, qualiter ille Bonus Vir, & Adeptus legitimus, in omnibus & per omnia, tam docendi, quàm operandi Methodo, in principio, medio, & fine à te diversus sit) tandem perfecti operis signum indicas si Lapis super candentē Veneris laminam injectus, instar ceræ fluat, & non fumigans penetrando tingat &c.

Prima verba à te scripta (postquam planetæ Animam seu veram illius Quintam Essentiam nactus es) subindicant, te aliquam abstractionem pretiosioris à viliori intelli-

gere: quia, *Quintam Essentiam Metalli* (uti & aliarum rerum) parvum aliquid quantitate, licet virtute magnum, Animam autem Metalli, aliquid adhuc minus esse in quantitate, ab omnibus talia scribentibus docetur: quem suspectum non parum confirmat, operatio *Polemanni*, à te in capite tertio citata, cum corrosivo duplicato Metallum in atomos disijcere, ad Animam tingentem Menstruo igneo solventi tradendam, quod fatuum est: nam Sophi, cum Anima absq; corpore, id est Substantia Mercuriali, nunquam operantur: eò quod experientia antehac, nunc, & in futurum, infallibiliter docebit: quòd taliter operantes quomodo-cùnq; procedant, pro Metallicis nihil efficient; quamvis ad vim medicam non omnimodo, infructuosus erit labor: sed quia de his disputare terminum nostræ intentionalis brevitatis excedit, talia transeundo con-nivebimus: hoc unicum interim in tota tua doctrina approbantes, quod decoctionem ultimam linearem sinè interruptione instituis cum *Philaletha*, hanc solum additâ à nobis differentiâ, quod hujus processus Realis, cum tuo putatitio, in idem non terminabunt: quòd finalis projectionis proba à te adducta dijudicabit; *Philaletham* & sui similes verè, te autem imaginariè argumētatum, nec non operatum fuisse.

Corol.

Corollarium CAPITIS VIII.

ECce tandem per tot viarum ambages, ad Realem Lapidis Practicam conducti sumus, quæ succinctim in his consistit *ante omnia, ut veram Mercurium Philosophorum tibi pares, post ut illum debito igne vitroq; sigillato, vel per se solum, vel Auro pondere debito junctum, in pulverem præ rubedine fuscum decoquas, quem pulverem si absq; Auro addito confecisti, ipsum cum Auro fermentabis, Auro fuso subtripulum ponderis superinjiciendo, additâ Mercurij Sophici parte conveniente, in vitro sigillato, ad eundem terminum priorem mediante igne deducito, quem Lapidem toties, quoties placebit, augmentabis quantitate & qualitate, ipsum vel novo Auro ut supra confermentatum, vel absq; ulterius addito Auro, ita cum suo Mercurio per sua regimina deducendo: quid postmodum cum illo faciendum tam ad Metallum quam Corporis humani sanitatem, superfluum est dicere, cum sat ab omnibus absq; omni dubio clare dictum sit.*

Quam Practicam, sicut docte somnians super Com: Trevisanum Nazarius Brescianus, somnio tertio etiam docte dicit.

Multi per diversa huc venere itinera.

Quam dico, Practicam varij variè institue-

tuerunt, non respectivè Auri, quod in sermone simplici absq; ænigmâte, in prima sui acceptione esse Aurum vulgi, ut inde Philosophicum fiat, omnes unanimiter docent: sed respectivè *medij*, scilicet *Mercurij Sophici*, cujus solius ope ex *Auro vulgi*, *Aurum Sophorum tingens* haberi potest: quod medium seu solvens, *Basilius Valentinus*, *Paracelsus*, *Ægidius de Vadis* aliq; complures, ex primordiali quodam Metallorum principio, sub *Fleſſu Minerali immaturo* indigitato, per illius à grossioribus partibus manualementem abstractionem, nec non multiplicem purificationem, tandemq; circulari digestionem, & Philosophicâ sublimatione ab omni superfluo interno, & externo perfectissimam separationem, in forma Aquæ, aspectu lacteæ, sensu ponderosæ, tactu madidæ, Essentiâ homogeneæ, substantiâ Mercurialis & Sulfuræ eduxerunt: cujus aliqualem partem modico Auro adjuncto, à minori ignis gradu paulatim ascendendo majori igne assueverunt & fixarunt & per eandem rotæ revolutionem multiplicârunt.

Geber, Bernardus Trev. Enchiridion, Sendivogius. Philaletha, aliq; cum Mercurio realiter tam coagulato quam coagulabili, sub conservatione formalis Mercuriositatis tactu

ctu & aspectu, opus instituerunt: Doctrinâ uni, practicâ diversi.

Primus Geber cum Mercurio simplici tam coagulatorum quàm non coagulatorum processum instituit suum, quia tam in uno, quam in altero inest, quod quæritur, & hoc docet libro quarto cap. X. de Medicinis Argenti vivi & ingressu earum, sed ex quibus maximè elici possit hæc Argenti vivi Substantia solet queri, & nos respondentes narramus, quod in quibus est ex illis elicitur, est autem tam in ipsis corporibus, quam in ipso Argento vivo secundum naturam, quia unius sunt repertæ naturæ.

Ante dictorum naturalia principia, secundum compositionem naturæ docet suæ Summæ libro primo cap. XII. de naturalibus principijs Mercurij, Sulfuris & Arsenici.

Innuimus ergò, quod principia naturalia in opere naturæ, sunt Spiritus fatens, & Aqua viva, quam & Aquam siccam nominamus. Quid in Substantia Mercuriali sit superfluum, docet libro tertio cap. i i. de Mercurij, Essentiâ.

In Argento vivo similiter necesse est superflua demere, habet enim corruptionis causam scilicet terream & adustibilem absq; inflammatione aqueitatis Substantiam.

Hunc autem duplicem superfluitatis defectum,

fectum, scilicet terreitatis & aqueitatis ; duplici etiam modo operandi removet, primam scilicet terream, per unionem cum rebus sibi in natura non convenientibus, & ipsius ab ipsis per iteratam sublimationis elevationem & hujus modum ponit in libro secundo cap. VII. de sublimatione Mercurij.

Dicimus igitur quoniam ingenium separationis superflue terre ipsius est commixtio cum rebus, cum quibus affinitatem non habet, & sublimationem ejus reiterare ab eis multoties. Quæ nam sint illæ res quæ sibi in natura non conveniunt, & cum quibus affinitatem non habent, subjungit immediatè in dicto cap. VII. Et horum genus sunt tale Calx corticum ovorum Marmor vitrum, & Salis omne genus præparatum.

Usquequo autem illam sublimationis operationem oportet reiterare, donec perfectè à terreitate corrumpentè mundatus sit, & ex quo cognoscitur completam esse, docet eodem cap. VII. sequente paginâ.

Et cum videris illud præexcellens nivem in albedine sua & quasi mortuum aludel spōdilibus adherere.

Alter superfluitatis defectus, nimirum aqueitatis superflue remotio fit per secum sublimandorum commixtionem cum inhibitione contritione & levi affatione & desicca-

siccatione, in qua, & sua aqueitas pro majori parte recedit, residuum per sublimationis reiterationem tollitur: modum præcisum operandi fusè innuit in cap. de sublimatione Mercurij.

Modus verò remotionis aqueitatis suæ superflue est, ut quando commiscetur calcibus cum quibus sublimari debet, teratur & commisceatur illis cum imbibitionibus quousq; de illo nihil appareat, & post super ignem lentum aqueitas imbibitionis removeatur, quâ recedente & secum aqueitas Argenti vivi recedet: cuius residuum per sublimationis reiterationem tollitur.

Huc usq; docuit Mercuriale Corpus præparare, & mundare perfectè, pro acquirenda media illa substantia Mercurij, tantopere pro Medicina ex ipsa facienda necessaria, quâ acquisitâ, quid ulterius cum illa agendum, & qualiter pars illius sit fixanda, pars autem conservanda, & pro imbibitione volatilizatione, & ceratione, relinquenda, docet libro quarto cap. XI. de Medicinis tertij ordinis.

Et est ut accipias Lapidem illius notum & per separationis modum, illius purissimam partem divides & seorsum ponas. Deinde verò ejus quæ purissima est, partis aliquid figas & aliquid ex illa relinquant.

Postquam indicavit aliquam partem ex illo figi oportere, ad majorem claritatem docet

cet etiam dupliciter illum fixari posse, vel eum in pulverem terreum cum deperditione suæ humiditatis necessariæ ad fusionem, vel cum conservatione humiditatis necessariæ ad fusionem deducendo: dum dicit libro secundo cap. XVI. de coagulatione mercurij & rerum solutarum.

Est autem ipsius Argenti vivi duplex coagulatione, una quidem per ablationem totius humidi innati in illo, alia verò per inspissationem ipsius humidi quousq; induretur.

Modum autem præcisum ad utrâmq; perveniendi & quomodo perficiatur insinuat libro tertio cap. VI. de Martis Essentiâ. *Quoniam figi potest absq; hoc quod in terram vertatur, & figi similiter cum conversione ipsius in terram: nam per festinationem ad ejus fixationem, quæ per præcipitationem perficitur figitur & in terram mutatur. Per successivam verò illius iteratâ vice sublimationem similiter figitur & non in terram vertitur imò fusionem dat Metallicam.*

Ut autem in nihilo deficere videatur, etiam circa vas artis filium alloquitur ipsum advertendo quale esse debeat ad illius fixationem, nimirum vitreum necessariò, causasq; sufficientes allegat, quare aliud quàm vitrum esse non possit, unde dicit libro secundo cap. VI. de forma Aludel. *Solum enim*
vitrum

vitrum & sibi simile cum poris careat potens est Spiritus retinere, alia autem non, quia poros habent; nec etiam Metalla in hoc valent; quia Spiritus per illorum cum illis convenientiam, transeuntes evanescunt. Ergo per aliquod aliud non excusamur à vitri susceptione, in formatione aludel.

Et sic ex Gebro didicisti quod sola Substantia Mercurialis assumi debet. & quod ille solus est Lapis in capitulis notus, & quod per remotionem superflui, media & purissima Substantia Mercurij sumi, item quod debet figi, nec non quod dupliciter figitur: differentiam & modum figendi quoq; docuit: nec non vas in quo figi debet. Ex sequentibus apparebit, quomodo ulterius procedit ad operis complementum.

Hunc ergo Mercurium fixatum calcinat, calcinatum solvit, solutum coagulat, fixat calcinat, iterum repetit ad aliquot vices, & hoc docet libro quarto cap. XI. de Medicinis tertij ordinis.

Deinde ejus quæ purissima est partis aliquid figas, & aliquid ex illa relinquas, & cum fixa fuerit solve, quod ex illa solubile fuerit, quod vero non est solubile ad calcinandum mittas, & ab hinc super illud solutionem reitera; donec iterum quod ex ea est solubile solvatur omnimode, sic ergo ordo iste calcinationis & solutionis, vel

F

totum

totum si possibile est coagulando reiterando servetur quoúsq; major illius solvatur quantitas, post hoc verò omnes solutiones coagula, debinc verò leviter assando in ignis temperamento conserva quoúsq; illi major ad illius exigentiam ignis, administrari possit. Post hoc verò prædictum solutionis & coagulationis modum & ordinem iterato serva &c.

Ne autem operatio ista in infinitum protrahatur, quoties sit repetenda, numero præciso docet, libro quarto cap. XI. de Medicinis tertij ordinis.

Omnes igitur hos ordines præparationis, calcinationis, solutionis, coagulationis, & in temperamento ignis conservationis leviter assando super illam quater reitera, & ultimo calcina per modum suum & sic pretiosissimam Lapidis terram sufficienter administrando rexisti.

Dicit sufficienter rexisti, scilicet ad hunc gradum; sed quomodo ulterius cum hac terra procedendum fusiùs docet: nempe illam cum portione Spiritus non fixi antea reservati per modum Sublimationis volatilem reddendam, additâ novâ Spiritus portione ad illud quod in Sublimatione non ascendit, volatile fixandum, fixum volatile faciendum, & quo pluries hoc reiteratur, eò perfectius erit Opus, & hoc docet libro quarto cap. XII. de administratione Solaris & Lunaræ Medicinæ.

Et

Et est huius additamenti modus per reiterationem partis non fixi Lapidis Sublimationis cum ingenio conjungendi per minima quousq; eleuetur cum ea, & iterato cum illa figatur ut stet. Et quanto huius complementi ordo reiteratur pluries, tanto huius exuberantia Medicinæ multiplicatur magis, & illius magis augetur bonitas, & multiplicatur ipsius augmentum perfectionis maxime.

Quomodo autem fixum volatile reddendum, & volatile fixum, fufis verbis docet libro quarto cap. XI. de Medicinis tertij ordinis. Deinde verò servatæ partis non fixæ cum hac terræ parte administratæ quantitatem, per ingeniorum subtilem conjunge modum per minima. Et sit ingenium huius intentionis scilicet levationis ejus per modum Sublimationis dictum, quousq; fixum cum non fixo levetur totaliter, quod si non eveniat, addatur illi iterato vicissim non fixæ partis quantitas, quousq; ad elevationem ejus sufficiat. Cùm igitur elevata fuerit, reiteretur ejus Sublimatio quousq; per hanc administrationis reiterationem figatur totum. Cùm igitur fixum fuerit, iterato cum non fixæ partis quantitate post quantitatem combibe per ingenium tibi notum, quousq; totum iterato levetur, igitur iterato figatur, quousq; fusionem præstet facilem cum ignitione sua.

His ita præparatis, & terrâ ad talem terminum

minum reductâ (quæ ab alijs Philosophis terra foliata nominatur, in qua Aurum seminandum) Geber idem docet, nempe ad complementum totale hujus Elixir addi oportere tertium, scilicet Corpus perfectum, idq; docet libro investigationis in fine in recapitulatione totius Operis.

Concludimus Lapidem nostrum nil aliud esse quam Spiritum fatentem & Aquam siccam, per naturalem proportionem mundatam, & unitam unionē tali: quibus addi debet & tertium, hoc est Corpus perfectum attenuatum.

Ne autem Artifex implicatus hæreat, postquam tertium, id est Corpus perfectum addidit, seu Aurum, in terram cum tanto labore præparatam seminavit, quid ulterius peragendum, nempe quomodo illa conjuncta cum Spiritu reservato, per reiterationem solutionis, coagulationis, volatilitatis, fixationis, pluries reiterare oporteat, donec in complemento quiescat, & infinitum tingat in Solificum & Lunificum, secundum operantis intentum. Distinctis verbis id docet libro quarto cap. XII. de administratione Solaris & Lunaris Medicinæ.

Ex est illius intentio ut per Sublimationis modum mûdetur perfectissimè Lapis. & illius additamentum, & ab hinc quidem cum ingeniorum modo volativum ex eis figatur, & iterato volatile fixum,

xum, & toties fac fixum volatile & volatile fixum, quousq; præstet facilem fusionem cum ignitione, & in hoc ordine completur Arcanum pretiosissimum.

Et nos complevimus (quòd cap. VI. promissimus) practicam Gebri inordinatim sparsam, succinctim recolligere, & candidè docere, ita ut clarius nec possibile nec licitum sit scribere, eò quòd omni etiam medicri Philosopho sufficit, ad reliquum studio & labore inveniendum.

Bernardus Trev. & Enchiridion seu Arcanum,

Hermeticum, quāsi ambo consentientes, non, ut antiquiores, contenti fuerunt, Mercurium simpliciter homogeneous reddere, cum auferentia superfluitatis ejus; sed & simul deficientis additionem necessariam judicârunt: unde quidem ut veteres Mercurium à superfluis purgare non omiserunt; sed & eādē operatione deficiens adimplere intenderunt: unde suam Mercurij sublimationem cum corporibus Metallicis instituerunt: ut non solum illum purum, sed & simul Sulfure Spirituali Metallico animatum, & uti duplici fulcro Metallico innitentem, *Mercurium duplicatum* acquirerent, quem, tanquam unicam & solam (Mercurio simplici non solum non admissio sed totaliter rejecto) *Clavem* necessariam ad aperiendum

Regis Palatium, non solum ipsi firmiter crediderunt, sed & alijs non minus rigorosè quàm doctè persvaserunt. Primus apertè se declarat in Epistola Obsequijs &c. in penultimo folio his verbis.

Sunt enim quedam Mercurij Sublimationes ab ejus proprijs Corporibus quæ sibi per intima amalgamando conjunguntur, & commiscuntur, ex quibus pluries relevatus & reconjunctus, superfluitates amittit, & non confunditur in natura, postea Operi Philosophico convenit & potens est in speciebus Metallicis solvendis.

Modum autem præcisum operandi in eadem Epistola in aliquot paginis antecedentibus docet.

Spiritus mineralis crudus tanquam Aqua conjungitur cum Corpore suo ipsam prima decoctione solvendo; unde REBIS nominatur, quia ex bina re componitur, nempe ex semine Masculino & Faminino hoc est ex dissolvente, quamvis unica sit res & Materia: unde versus. Res rebis est bina conjuncta sed tamen una. Solvitur ut primo sint aut Sol, aut spermata Lunæ. Ex istis duabus autem rebus simul dissolutis componitur Elixir, id est Aqua tineta: unde versus. Elixir Græcè pars dicitur Arte secunda lixis nam de se sunt facta Corpora Munda. Ex hoc autem Elixire honorande mi Doct̃or ut ex primo simplicis decoctionis Iure seu decocto Azot extrahitur, fortio-

fortiori scilicet distillatione ac iterata & istud Azot est Mercurius ille Duplicatus. Alter suam opinionem absq; fuco exponit in Arcano Hermetico §. XXX.

Mercurius ex imperfectis Metallis solus tinctura Solis & Luna suscipienda in Opere Lapidis Philosophici aptus est, ut ipse tincturâ plenè imbutus cetera uberrimè tingat, eamq; multo cum fanore reddat. Modum operandi proponit duobus locis. Primo in §. XLVII. Argentum vivum partim est naturale, partim est innaturale intrinsecum & occultum in natura radicem habet, quod nisi per præcedentem mundationem & ingeniosam Sublimationem evocari potest. Separa ergò purum ab impuro, Substantiam ab accidentibus, & fac occultum manifestum per viam naturæ, secus siste gradum. hoc enim est totius Artis & Operis fundamentum. Iterato docet § II. Duobus perficitur Philosophica Mercurij Sublimatio, superflua ab eo removendo & deficientia introducendo: emergentem ergo Saturni livorem separa, donec purpureum Iovis sidus tibi arrideat, adde Sulfur naturæ ut etiam alijs sufficiat: multiplica igitur Sulfur illud Philosophorum invisibile, quousq; exprimat Lac Virginis: tunc prima tibi patebit Ianua.

Id est habebis eorum tantopere decantatum Mercurium Duplicatum cum quo & Auro Lapidem conficies.

Sendivogius & Philaletha, quamvis in multis consentire videantur, in multis tamen id non quadrat, sed omissis istis differentiarum disceptationibus, *Philaletha* uti clarioris & modernioris Compendium pro amborum explicatione stabit: qui cum prioribus in *Mercurio Duplicato*, seu ut ipse vult *Animato*, quidem consentit; sed suo genio & experientiâ sibi traditâ solummodo inhærens, hunc ex *Mercurio & Regulo Stellato*, imperfectioribus alijs omnibus rejectis (debitè, an indebite: quod quia à *Pantaleone* in suo *Tumulo Hermetico Capite tertio* ad sufficientiam practicè & theoricè disputatum habetur; hic prolixius exponere supersedeo: sed brevitati studens, quod ab alijs sat ordinatim dictum est, redicere nolens, illuc lectorem remitto, ibi enim talia super hoc inveniet, quod me brevitatis nimix non accusabit) solummodo extrahendum esse, ut ipse strictim credidit, ita alios candidè & seriò docuit, ut Mercurius Regulo stellato unitus, sibi invicem coadjutores sint ad aliena reiicienda, nec difficultatem specificam hujus operationis celare volens, eam candidè indicavit cap. XI. *Malignitas Arsenicalis huic Sulfuri in sobole Saturni absorpta, omnem prohibere ingressum*: id est impuritas Reguli impedire unionem utriusq;, superaddes unicum ad id invenibile reme-

remedium; nimirum *Columbas Dianæ*, quæ hujus Sulfuris malignitatem contempera-
bunt ad ingressum & unionem amborum ce-
lebrandam, quâ celebratâ, *lux à tenebris, A-*
quila Philosophica tanquam Regina omnium A-
rium, à cæteris separabitur, id est habebitur
purus *Mercurius homogeneus Animatus* hoc est
Spirituali Sulfure gravidus, intuitive cujus est
Hermaphroditus hic Mercurius, verba præ-
cisa dicit cap. VI.

Etenim si ingrederentur & miscerentur tum
statim unione indissolubili coalescerent: dicam
itâq; Sulfur externum comburens ad hæc per-
tinaciter Chao nostro: quod juvenis alatus hor-
ret ac fugit, esto hic tibi Diana propitia, quæ fe-
ras domare novit, cujus binæ *Columbæ aeris ma-*
lignitatem contemperabunt, quod per poros fa-
cile ingreditur *Adolescens, concutit statim pero-*
ledos, nubem tetricam suscitatur, lucem à tenebris
separa septima vice, eritq; hæc creatio Mercurij
Sophica completa. Modum operandi totalem
docet cap. VII.

Hic est *Infans Hermaphroditus à primis suis*
incunabulis per Canem rabidum morsu infectus
est, unde hydrophobus Aquam horret: sunt ta-
men in Sylva Dianæ binæ Columbæ, quæ rabiem
suam insanam mulcent, tum ne hydrophobiæ re-
cidivam patiantur, Aquis submergas, in ijsq; pe-
reat, quarum impatiens Nigricans Canis rabidus

ad Aquarum superficiem ferè suffocatus ascendit, tu imbre ac verberibus illum fuga, ac procul arce, sic tenebræ disparebunt: fulgente Luna in suo plenilunio, pennas suppedita, & a volabit Aquila, itera hoc septies dum tandem requiem adeptus es, nisi quod decoctio nuda tibi incumbat.

Juvenis alatus est *Mercurius*, Chaos seu infans hermophroditus est *Regulus stellatus*, Canis corascenus rabidus, est *Sulfur Arsenicale*, Columbæ Dianæ, *sunt Salia*, Aquila evolans est *Mercurius purissimus*, homogeneitate unus, *Substantiâ Essentiali duplicatus*, propter *Sulfur secū ascendēs Animatus*; cum quo, uti cum antedictorum Mercurio addito Auro, & decocto, nec non rotam pluries revolvendo, fit famosissimus ille Philosophorum Lapis, ad Divitias & Sanitatem usq; ad naturalē vitæ terminum sufficiens: quia autem, Amalgamationem, in vitrum impositionem, nec non ignis regimen & colores, ejusq; usum, ad abundantiam absq; ullo sermone ænigmático Philaletha, inter alios laudatissimè descripsit, nos omnem semper superfluum scribendi occasionem evitantes, illuc lectorem remittimus. Hoc solum seriò subnectentes, certum & certissimum esse, quicūq; Artis filius ex hisce tam nostris dictis, simplici & ordinato stylo scriptis, quàm ex additis tot authorum, theoricæ & Practicæ, sparsæ &

ab

ab ipsis studio confusæ, reordinatis & claris expositionibus, rem nec capere nec facere potest, non Authores, non Me, sed suam incapacitatem incuset, aut DEI voluntatem meditetur, ad quem ferventi oratione piè vivendo, recurrat, ut hoc donum sibi elargiri velit, mentem ad intelligentiam illuminando; aut per Amicum revelando.

CAPUT IX.

De Augmentatione

Benedicti Lapidis.



BN hoc capite doces : quod ubi jam Sulfuris præfati incombustibilis purpureo-rubicundi Possessor factus es, te per repetitam Rotæ in versionē illud multiplicare eadem Methodo quâ conficitur, lacte suo irrorando, solvendo, coagulando, ut in primo Opere factum est, & ita ad placitum multiplicas in quantitate & qualitate, pro projectione super imperfecta Metalla facienda : quæ omnia tanquam verissima concedimus, & ne gry quidem opponimus, quod opus legitime confectum, per eandem

eandem viam, qua factum est, eâdem multiplicatur; sed nunquam concedimus quod erroneum Principium, & medium (sicut tuum est) possit verum finem dare: unde superfluum est de tuo Opere Phantastico, lectorem ad veros Sophos remittere, quasi, verum & erroneum, unumquid sit; quod si ante hac nunquam fuit, nec impofterum unquam erit; quidquid oblatrent Sophistæ.

CAPUT X.

De Usu Lapidis Medico, Interno & Externo.



IN hoc Ultimo Capite de Lapidis Physici virtute differens, secundum omnium Sophorum Mentem infinitâ vi Medicandi pollere probas, & præcipuè cum *Helmontio* doces, illum agere Archæum irradiando, citra sui dissolutionem, aut interitum &c. Dosis autem illius administrandi constituis, à grano uno ad duo, juxta ætatem & vires ægri.

Quibus respondemus, quousq; cum Sophis Lapidem Physicum vi medicâ incompara-

parabili præditum asseris, nec non cum *Helmontio* doces, quod Archæum irradiando citra sui dissolutionem aut interitum dotes suas depromat: libenter assentientes tibi omnia concedimus; sed dum de tuo Talento, aut melius dicam, iudicio, Dosim administrandam, à Grano unò ad duo juxta ægritatem & vires depromis, non licitum est nobis talia connivere: sed sicut in principio & medio monstravimus te errare, ita etiam in fine probemus, te tanquam putatitij Lapidis possessorem, etiam ejus verum usum ignorare.

Primò id probatur ex tua propria doctrina, quâ, non tuo Marte, sed *Helmontij* doctrinâ doces Lapidem Physicum agere, Archæum irradiando, quo posito, sufficit minima particula, prout in tractatu *Lapis Butleri*: diffuse docet.

Secundò si agit irradiando, quid quæso ista actio irradiatoria præjudicare potest ægro, respectivè ætatis vel virium.

Tertiò nullus Philosophorum (præter te, quia Philosophus non es) hanc necessitatem seu respectum augmentandi & diminuendi dosim posuit.

Quartò omnes Sophi veri & adepti concordant in minima quantitate administranda huius Lapidis benedicti: *Dionysius Zacharius*

rius omnium liberalior non excedit granum: *Ludus puerorum* & alij, pondus duorum florenorum aureorum, quod drachmâ adhuc minus est, libræ uni confectionis commiscere jubent, de qua confectione drachmam pro qualibet vice sumendam, & sic dosis erit circiter medij grani pondus; *Rosarius* reliquis parcior pondus ad Granum sinapis præscribit: uno verbo nullus vix medieta-tem tuæ dosis præscripsit, & quamvis in quantitate minimâ dissentire videantur: in hoc tamen omnes Veri Adepti consentiunt, quòd nullus dosin augendam & minuendam respectu ætatis aut virium ægri præscripserit præter te: sic ab omnibus in omnibus differens, tu solus Sapiens eris, quod absit dicere.

A. M. D. G.

TYPO.

TYPOGRAPHUS LECTORI.

ATq; ita SEMIRAMIS, ante quatuor propè Annorum Millia sepulta, nuper denuò Rediviva, denuò in Sua TUMBA Sepulta jacet! Felix profectò SEMIRAMIS, quia bis Viva; sed magis infelix, quia bis mortua! Quod me attinet, ego quod meum erat feci: *Funerale* LAPIDI Typos inscripsi Typographus. In quo labore, sicubi fortasse lapsus sum, ignosce: *Babylonem non vidi, & Arcanioris Philosophia Characteres non didici.* Sin minùs, apage! non laboro tuâ causâ: puerorum est Grammaticalibus apicibus irascendo tempus perdere; *sapientum* est sensum scrutari.

Si quæras, quis iterum Infelicis SEMIRAMIDIS Vespilonem egit? Nescio. Nunc enim quò quis magis *sapit*, hòc magis *tacet*. Putabam nuper ipsemet, fore brevi, ut omnes fiamus *Hermetici*; & profectò fimus omnes silentisio *Pythagorici*, & prorsus *Harpo-
cratici*.

Dicam nihilominus quod scio. SEMIRAMIDIS, olim sepultæ, TUMBAM, INEXHAUSTIS REGUM THESAURIS plepam, eruit aliquis, in ipsa, (ubi enim alibi) *Babylonia*. Eandem THE-
SAU-

SAURIS VACUAM, sepelit rursus alius, in (utî puto) Paphlagonia, ego inscriptionem funebrem, (quam tu *Philo-Hermetice Lector* legis,) facio in Utopia. Alius calamum acuit, alius censuram tulit, alius prælo subjecit, alius meum hunc Epilogum dictavit. Comparent diversi: Hic ATER, ille CANDIDUS, alius RUBER, ignoti omnes, omnes *Prothei*, & PER OMNES COLORES larvati *Philosophi*; planè ut illorum LAPIS. Hem fraudes! sed doctas. Hem bella! sed docta. Pro Corpore SEMIRAMIDIS pugnatur hodie, usq; ad invidiam Patrocli, pro cuius Corpore tot *Sapientium, Heroùmq; Mater* Græcia, tam atrociter olim ad Trojam dimicavit.


O Curas hominum! ô quantum est in rebus &c,

Sed non te tenebo. Si Minerva rudis tibi domi est, nec servit ad aliud, quàm ad quærendum nodum, aut censurandam *crepidam*; apage inepte *Mome*! non te volo! *procul* ab *Hermetico-Regio Augustali profani*! Quodsi ingenuus es, age sis, expende hæc, quæ Honori Viri docti, arbitrio tuo, labore & prælo meo, torqueo. Atq; in hunc finem, commodo tuo hîc ipsam præterea SEMIRAMIDEM tibi sisto, & TUMBAM priusquam funeretur, refero, (in casu quo primæ ejusdem refectioni, aut etiam secundæ, quæ in Quarto & Quinto Anno *Ephemeridum Medico*

Phy-

Phylicarum *Germanicarū* describitur, adesse
non potueris) ut oculatè inspicias, & quàm
sanissimè dispicias, utrum *SEMIRAMIS*, pretio-
sa aliqua *Mumia*, an verò vaniloqua *Anus* fu-
erit. Quodsi deniq; illis jam adlectus es,
quos equus amavit Iupiter, & ardens altius
provexit virtus: age, hæc nostra æqui boniq;
habe; &, (itâ me tibi precari jusserunt, quo-
rum privatis studijs, & honori, mea sudant
præla,) sive Rex tibi tuus *Hermeticus* intra
Cimerias plûs Corvinas tenebras adhuc In-
fans delitescit, sive *Candidiori* jam amictu Pu-
er incedit, sive in *Purpureo Solio* sua Regia
Majestas residet, *Amice*, tibi fructu,
tuis fave, vulgo tace, & Vale.





TUMBA SEMIRAMIDIS

Hermeticè Sigillata,

Quam

Si Sapiens aperuerit

Non

CYRUS

Ambitiosus Avarus,

Regum ille Thesauros, divitiarum
inexhaustos, quod sufficiat,
inveniet.

Excusa Primùm,

ANNO M. DC. LXXIV.

Recusa Secundò Anno 1676.

Tertiò Anno 1678.

G 2

Da

Nobilissimi, Præcel-
lentissimi Viri, S. R. I. Naturæ Cu-
riosi Domini,

&
FAUTORES HONORATISSIMI.

Non tantum priscis tem-
poribus, sed & hâc mundi
senectâ nil altius Sepul-
tum, nec quod magis ab
omnibus, maximè Tech-
nophilis desideratû hactenus est, quàm
magni illius Mysterij Sapientum Scien-
tia, quæ notâ voculâ *Lapis Philosophorum*
appellatur: Eapropter Scientiam hanc
sub Schemate *Tumbæ Semiramidis*, sapien-
tissimæ quondam Babylonis Reginae
rumulatam & adumbratam, servatâ
ejusdem monumenti inscriptione, è
tumulo extrahimus, orbique literario vi-
sendam & aperiendam sistimus; *Quam*
si Sapiens, non Cyrus, ambitiosus avarus aperu-
erit,

erit, Regum thesauros divitiarum inexhaustos,
quod sufficiat, inveniet. Addo constantem
Sanitatem, quæ duo præcipuas felicio-
ris vitæ columnas dixeris. Sederunt
fortè altum sapientes, quibus Tumbam
hanc referare opus mulierum & ludus
puerorum videbitur; sciant autem ve-
lim, Scientiam hanc esse *Amnem altissi-*
imum, in quâ *Agnus ambulat*, id est simplex
proficit, & *Elephas natat*, id est doctissi-
mi quique opinionibus, erroribus &
dubijs suis fluctuant, imò submergun-
tur; dum hic de vero Subjecto Magni
Operis adhuc dubius, imò toto genere
alienus est; ille de Mercurio Sophico
acquirendo arduè sollicitus nec quis ille
sit, vel cujus formæ, inanibus laboribus
sefe fatigat; alius quid Ignis Philoso-
phicus? quid Elementa Magica, Cla-
vis, vel Menstruum solvens? unde il-
lud depromendum? an dulce vel cor-
rosivum? frigidum? vel igneum sit?
vano mærore sefe lacerat. Ingemui
sæpè super ea, quæ talium Manus fece-
rant, & in quibus frustra insudaverant,
ubi

ubi ultimò non invenirent, nisi vanitatem & afflictionem animi. Stimulo itaq; charitatis eorum misertus, communicatam mihi misericorditer Lucem, eandem, ut Clavem ad Sacræ illius scientiæ sanctuarium inveniant, lubens impertior, quamvis à multis violati silentij reus accusabor.

Vestra verò VIRI PRÆCELLENTISSIMI in curiosis Polydædalæ Naturæ Arcanis & Operibus curiosa industria, & indefessa curiositas, quæ totum Orbem literarium ad secretiora communicanda suavissimo suo illicio invitavit, me quóq; impulit, hujus, quod apud me est, totius naturæ curiosissimi Operis, Vos genuinos omnigenæ Scientiæ Filios, Hæredes facere.

Quis verò sim nè quærite; Homo sum, qui alijs prodesse studeo: Amicus vester, & virtutum Vestrarum admirator, notus multis, saltem nomine.

Valete ergo Curiosi Naturæ & Ar-

ris Mystæ, Excelsa Germaniæ Sidera;
DEUS sit Vobiscum; Vestráq; Opera
& Cogitationes toti Reipublicæ litera-
riæ summè proficuas virtutè suâ corro-
boret ad publicæ salutis Incrementum,
vestriq; Nominis Gloriam Immorta-
lem.

Ex museo Calendis Januarij,
Anno à nato Salvatore,
1674.

Tum-

TUMBÆ SEMIRAMIDIS

Hermeticè Sigillatæ.

CAPUT I.

De Subiecto Physico

Lapidis Philosophorum



Peris nostri Principium sit

Timor Domini, finis autem *Charitas & Amor proximi*. Ag-gressuri itaq; cum bono DEO
tam divinum Opus, primò in-

quirendum, quodnam sit subiectum illius?

Ut enim Agricola. incassum ad messem A-
grum præparat, nisi de Semine certus sit, ita
& ille gratis Agrum Chymicum instruit, si
quidquid in illum seminet, ignorat. Et in
hoc hodiernum plures sese angunt, inq; dif-
ferentes opiniones rapiuntur.

Sed omnia hæc velle discutere, hujus lo-
ci non est: dum illi in Regno Animalì, San-
gvine, Spermate, Sudore, Urina, Capillis,
Stercoribus, Ovis, Serpentibus, Bufonibus,
Araneis &c. quærunt; isti in Regno Vege-
tabili, præprimis Vino, inani pro Magisterio
magno conatu occupantur. Et si enim no-

bis constet in utroq; Regno, & quidem in homine (maximè illius corde) dum etiam Vino supremam quôq; unam valetudinis nostræ Medicinam obtineri posse, ut enim Aurum omnium mineralium, sic hæc duo omnium Animalium & vegetabilium potestates in unum quasi Collectas, complectuntur; Porro ut ex illis fiat Opus magnum Sapientum, nullus Adeptorum somniavit. Super est igitur ex Regno Minerali petendum esse; Sed & hic magna dissentientium Corona, ut Hercle Oedypo Opus habeamus: sunt enim qui ex medijs, ut vocant, Mineralibus, ut pote Sale, Nitro, Alumine, & id genus alijs eruere volunt, sed frustra; cum hæc Argenti vivi nihil in se habeant, in quod resolvi queant: quo in Luto & nos in prima nostra Inscitia immersi fuimus.

Manet ergò ratum, Metalla subiectum Physicum esse Lapidis nostri benedicti. Verum & hic res in bivio: Metalla enim alia imperfecta sunt, perfecta alia.

Breviter ut nos expediamus, dicimus omnia Metalla fusa, præcipuè verò non fusa etsi imperfecta, per intimam Labis suæ Originalis depurationem (quod tamen perquam difficile, & apparenter vix non impossibile) subiectum Lapidis esse posse, de quo *Flamelus*: *aliqui in Iove, aliqui in Saturno laborave-*

runt, ego autem, inquit, in Sole laboravi & inveni. Et in exercitat. Ad Turbam legitur: Omnia Metalla Munda & Immunda sunt intus Sol & Luna, & Mercurius, sed unus est verus Sol, qui abstrahitur ab eis. Et Author Arcani Operis Hermeticæ Philosophiæ Canon. XVI. inquit: Quicūq; extra Metallorum naturam imperfecta Metalla perficiendi & multiplicandi Artem querit, in Via erroris est, à Metallis enim Metalla, sicut ab Homine humana, & à Bove Bovina Species petenda est. Et Canon. XVIII. amplius agit: Corpora perfecta Semine perfectiori prædita sunt; Sub duro itaq; perfectorum Metallorum cortice latet perfectum semen, quod qui novit resolutione Philosophicâ eruere, Regiam Viam ingressus est. Sic & Anonymus ille Philaletha in introitu ad Sacrum Regis Palatium cap. XIX. de progressu Operis in primis 40. diebus: Est nimirum in omnibus Metallis etiam communibus Aurum, sed proximius in Auro & Argento. Quanquam (ut bene idē Adeptus loquitur) est adhuc unum in Regno Metallico mirabilis Originis in quo Aurum nostrum proximus est quàm in communi Auro & Argento, se illud in Hora suæ Nativitatis quæras, quod in nostro Mercurio liquatur ut Glacies in Aqua tepida &c.

Sed præscindendo hac vice ab his imperfectioribus, in præsentī magna illa duo Lūmina-

minaria perfectiora, Solem & Lunam, Aurum quippe & Argentum pro subiecto Physico Lapidis declaramus, quam Viam magna pars Philosophorum secuta est, & voti sui compotes facti sunt. Et declarat illud Augurellus l. 2 Chrysop. dum ait:

Purum atq; omni purgatum sorde Metallum accipies, cuius Secreta in parte recessit Spiritus & crassâ pressus sub mole latenter viſſitat, ac solvi vinclis & Carcere Cælo emitti expectat, tenues effusus in oras.

Idem in Chrysop. l. 1. - - - nect tu

Nunc aliunde Auri quæras primordia, in Auro Semina sunt Auri quamvis abstrusa recedant Longius, & longo nobis quærenda labore.

Et de utriusq; luminaris dignitate illud Spagyricæ Philosophiæ Sydus Lullius Codicill. p. m. 28. Propter quod depurata magis alij reperiantur duo, scilicet, Aurum & Argentum, sine quibus Ars ista non poterit integrari, cum in illis sit purissima Sulphuris Substantia ingenio naturæ perfectè depurata, & ex illis duobus Corporibus cum suo Sulphure vel Arsenico preparatis, nostra elici Medicina poterit, & sine illis haberi nequit. Et clangor Buccinæ: prudenter & discretè oportet te operari, quoniam sine fermento non poterit Sol, neq; Luna esse: & aliud Semen sive fermentum non est appropriatum & utile, nisi Aurum ad Rubrum, & Argenti-
tum

tum ad Album, quæ Corpora subtiliata prius sub pondere, deinde seminanda veniat, ut putrescant & corrumpantur, ubi destructâ unâ formâ, alia nobilior induatur: & hoc fit Aquâ nostrâ solâ mediante. Hinc optimè concludit Anonymus quidam in sua responsione: Sicuti Ignis ignificandi principium est, ita Aurum Auri est principium, qualis causa, talis effectus. Qualis Pater, talis Filius: quale Semen, talis Fructus. Homo Hominem, Leo Leonem generat.

Sed dices: afferunt Philosophi, quod talis debeat esse Materia, quam æquè Dives, & Pauper habere potest, unde illud: Deus hunc thesaurum omnibus hominibus inquirendum concessit, nec Mortalium ulli, nisi quis pravis cordis sui affectibus indignum se ipsum reddat, tanta bona invidet. Et Geber: non oportet tua bona consumere; quia vili pretio si Artis principia non ignoraveris, quæ tibi trademus, ad completum pervenies Magisterium. Si enim Aurum, vel quid simile sumptuosum illud (tantum) esset, sic Pauperes cagerentur hoc gloriosum opus postponere, & cùm contingat Artificem pluries errare, Pauper non posset post admissum errorem opus repetere, quod omnino fieri oportet, si nullum aliud remedium superesset. Et Lilius: Hic autem Lapis palàm minimo emitur pretio: qui si novissent venditores, ipsum manibus tenerent, & nullo modo venderent. Et alius

lius Anonymus: *Expensæ nostræ non excedunt pretium duorum florenorum.* Quod confirmat Arnoldus: *Firmiter teneas, quòd Expensæ nostræ nobilissimæ Artis non excedant pretium duorum Aureorum in sua emptione, id est, operatione.* Et Geber: *Si in operando æs tuum amiseris, nos non iniquè corrodas, sed tuæ imputes imprudentiæ: Scientia enim nostra magnas non requirit expensas.*

Ad quæ respondemus: Nos nunquam negasse præter Aurum & Argentum non etiam dari aliud Subjectum minoris pretij: ubi imperfecta Metalla non exclusimus, quemadmodum supra ex *Anonymo Philaletha* hisce verbis meminimus: *Est adhuc unum in Regno Metallico mirabilis Originis &c.* Quanquam vile hoc pretium multi Philosophorum de Menstruo nostro solvente intelligi velint. Dices amplius ex *Sendiogio Tract. XI. In laboribus tuis Aurum & Argentum vulgi non accipias: nam hæc sunt mortua.* Respondemus, concedendo ex Auro & Argento vulgi, quâ talibus & quamdiu mortua fuerint, non confici Lapidem; Ubi verò resuscitata, & in primam seminalem Naturam redacta, & Auro Philosophorum similia facta fuerint, dum non tantum de se Semen edunt, sed & loco fermenti inserviunt; Quod confirmat Philosophus his verbis: *irres-*
sentes

sentes & prateriti non fecerunt aliquid, nisi ex Auro Aurum, & ex Argento Argentum, non tamen Aurum illud vel Argentum fuit vulgi.

Ex quo patet, quod Aurum Philosophorum non sit Aurum vulgi, nec in Colore, nec in Substantia, sed illud quod extrahitur ex eis, est Alba & Rubea tinctura.

CAPUT II.

Quid sit Aurum Physicum seu Philosophorum?



Aurum vel Argentum Philosophorum est Corpus Metallicum resolutum in ultimam Materiam, quæ prima Lapidis est, (scilicet in Mercurium) & probatur: Omnis res est ex eo in quod resolvitur, sed omnia Metalla reducuntur in Argenteitatem vivam, ergo fuerunt Argentum vivum.

Est enim (juxta vulgatam Philosophorum Sententiam) in Mercurio, quod quærunt sapientes. Item: Mercurius est radix in Alchymia, quoniam ex eo, per eum, & in eo sunt omnia Metalla. Et Spagyricæ Philosophiæ abstrusissimum

lissimum Mare Theophrastus de prima Metal-
lorum Materia ita loquitur: *Extrahere Cor-
poribus Metallicis Mercurium nil aliud est, quàm
ipsa resolvere, seu in primam ipsorum reducere
Materiam, hoc est, Mercurium currentem, qua-
lis scilicet erat in Centro terræ antè Metallorum
generationem, Vapor scilicet humidus & visco-
sus (qui est Aurum vel Argentum Philosopho-
rum) continens in se invisibiliter Mercurium &
Sulphur naturæ principia omnium Metallorum.
Talis Mercurius ineffabilem est virtutum viri-
umq; & Secreta divina continet.*

CAPUT III.

De Præparatione

Corporum pro Mercurio Phi-
losophorum.



Nquit Avicenna: Si laborare vo-
lueris necessum habes, ut in solu-
tione vel Sublimatione duorum
Luminarium laboris tui facias
initium, primus siquidem Operis
gradus est, ut Argentum vivum ex eo fiat. Ve-
rùm cum hæc Corpora, ut potè perfectiora

arctius

arctius constricta, & duriores coagulationem nata sint, ut ipsa in Mercurium reduci queant, primò præparatione, & Physicâ calcinatione opus habent, quæ quidem non tam necessaria est in Argento (nam propter Munditiem & Mollitiem facilè in id agit Aqua nostra) quod non fit in Auro & reliquis Metallis, quæ omnia requirunt Calcinationem, in quæ Aqua nostra faciliùs tunc agit, maximè, si quæ impura depurata sint, propter Substantiæ similitudinem.

De calcinatione corporum ex opere secreto de Lapide Philosophorum D. Doctoris & Episcopi Tridensini: *Metalla solvenda in lacte Virginis priùs debent calcinari seu purgari, & Luna quidem finissima & subtiliter limata dissolvatur in Aqua forti, & aquâ pluviali stillatitiâ, in qua amoniacum, vel Sal commune dissolutum sit, præcipitetur in calcem albam, decantatâ Aquâ lavetur, & edulcoretur calx aliâ Aquâ pluviali calente, ut omnis salsedo & acrimonia tollatur; siccetur postea, & erit calx mundissima.*

Aurum verò calcinetur in hunc modum: Fac Amalgama cum Auro (quod priùs per Aquilæ Nigræ Corpus depuretur, ut supra modum pulchrum & gloriosum fiat) & Mercurio optimè purgato per Salem & Acetum, perq; Corium expresso, pone in Aqua forti purificata, ut Mercurius omnis solva-

H

tur;

tur; Aquam fortem à Calce Solis decanta, Calcem ut suprà Aquâ calidâ lava, & leni Calore exsicca. Calx ista si Artificiose & leviter reverberetur, ita tamen ne fluat, in pulcherrimum Crocum abibit.

Aliter sic Calcinatur Aurum, ut in primam Materiam seu Mercurium Philosophorum reduci queat, de quo *Paracelsus* lib. 7. *Metamorph.* de resurrectione, nimirum: calcinetur Metallum cum Mercurio revivificato, ponendo Mercurium cum Metallo in Sublimatorium, digerendo simul donec fiat Amalgama. Sublima inde Mercurium modesto Igne, & denuò cum Calce Metallica tere, & ut antè digestionem & Sublimationem repete, idq; toties, donec Calx admodum Candelæ ardenti fluat instar Glaciei, vel Cerae. Hoc Metallum ita præparatum pone ad digestionem in Ventrem Equinum, vel B. M. decenter calidum, digerendo per Mensem, & convertetur Metallum in Mercurium viventem (id est) in primam Materiam, quæ Mercurius Philosophorum, & Mercurius Metallorum nuncupatur, quem multi quæsierunt, sed pauci invenerunt.

Ioachimus Polemannus de Mystério Sulphuris Philosophorum, Beneficio Corrosivi sui duplicati & satiati Metallum in minutissimos atomos dividit, & dilacerat ad tingentem Animam Menstruo Igneo solventi tradendum.

Alia

Aliâ & meliori Viâ à nobis calcinatur quam Calcinationem primam Solutionem nominare libet; & fit si Calcibus Solis vel Lunæ præfatis in Phiola positis affundatur Vinum Vitæ, quod est Menstruum nostrum, de quo infra cap. 6. ad eminentiam unius Digiti transversî, & appposito Capitello seu Alembico digerantur in Cinere vel etiam Arena, & coagulentur; coagulato novum Menstruum ut supra affundendo, & coagulando, idq; tertio & quarto vel donec Calx Metallica ad Lumen instar Cerae vel Glaciei liquecat, quod est Signum sufficientis Calcinationis Philosophicæ, fitq; hoc cum conservatione Metallî in sua Virtute prima. Et hoc est quod dicit *Aristoteles* in Rosario: *Conjunge Filium tuum Gabritium dilectiorem tibi omnibus filiis tuis cum sua sorore Beia, quæ est puella fulgida, suavis, & tenera.*

CAPUT IV.

De Solutione Corporum Philosophica secunda & vera, atq; reductione in Mercurium.



Adâ Calcinatione seu primâ Solutione, de qua Capite præcedente dictum est, & quæ (ut Philosophus *Anonymus* tractatu Aureo de Lapide Philo-

sophorum in sua Responsione habet) svavis esse debuit, & planè naturalis (id est) quæ subjectum sine stridore cum humiditatis suæ radicalis conservatione solveret, tunc Corpora ita Calcinata Phiolæ H.S. committenda sunt, & leni Igne B. M. vel roris per Mensem Philosophicum digerenda vel putre facienda; *melior enim est Solutio voluntaria, quàm violenta, temperata, quàm festina*, ut habet Philosophus. Et sic fit Solutio secunda & vera Metalli in Aquam viscosam, seu Oleitatem quandam cum conservatione humidi radicalis, in qua est verum Sulphur Metallicum, simulq; verus & Nobilissimus Mercurius; unum enim alterius semper magnes existit, manétq; solvens cum Solutio, & inseparabiliter manere cupit, idq; propter Substantiæ similitudinem; hinc veteres dixere: *Natura, Naturâ gaudet, Natura, Naturam vincit, immutat.* Et per hoc essentialis seu formalis Solutio à corrosiva Solutione distingvitur. Sciendum autem ex Luna liquorem seu tincturam viridem gigni, quæ est verum Elixir Lunæ, summumq; Arcanum confortandi Cerebrum: ex Sole verò per æqualem putrefactionem summæ rubedinis liquorem produci, qui est verum Elixir Solis, & Quinta Essentia Metalli: de qua Geber ait: *Nos facimus Aurum sanguinolentum, melius quàm à natura produ-*
Elum

Etum, quod natura nequaquam facit. De hac viscositate amplius loquitur Geber in summa: *Exactissime singula sumus experti, suis idq; probatis rationibus, sed nihil potuimus unquam reperire permanens in Igne, præter viscosam humiditatem solam radicem omnium Metallorum, cum ceteræ humiditates omnes, quia in homogeneitate non bene sunt unitæ, ab Igne facile fugiant, ac Elementa ab invicem facile separentur, at humiditas viscosa, Mercurius videlicet, nunquam in Igne consumitur, nec Aqua à terra separatur, sed aut omnia simul manent, aut simul abeunt.*

Sed quæres, sub quo pondere Menstruum Metallo desponsandum sit? Rosarius Philosophorum inquit: *Sicuti in operatione panis modicum fermenti levat, & fermentat magnam copiam pastæ, ita & illud modicum terræ sufficit ad nutritionem totius Lapidis.* Aristoteles nominat pondus dicens: *Sic igitur facite & coqvite, donec terra (id est Aurum) exhausserit decuplum de Aqua.*

Author novi luminis in fine libri in hæc verba prorumpit: *Aqua in decuplo esse debet ad unam partem Corporis, & hæc viâ facimus Mercurium sine Mercurio vulgi, accipiendo de Aqua Mercuriali nostra (id est, Oleo Salis Mercuriali putrefacto & alembicato) quæ est Vapor unctuosus in decuplo ad Corporis Auri partem unam, & clausis in vase per decoctionem continuam, Aurum fit Mercurius, id est Vapor un-*

H₃

Etuosus

Ænosus & non Mercurius vulgi, ut falsò nonnulli imaginantur.

CAPUT V.

Quid propriè sit Quinta Essentia.

A*racelsus Lib. 3. de vita longa cap. 2. sic discurret: Quinta Essentia nihil aliud est, quàm bonitas naturæ, ita ut tota natura in Spagyricam mixturam, & temperamentum abeat, in qua nihil corruptibile, nihilq; contrarium sit invenibile.*

Idem lib. 4. Archidox. de Quinta Essentia ait: Quinta Essentia est una Materia, quæ corporaliter extrahitur ex omnibus crescitivis, & ex omnibus quod vitam habet, separata ab omni impuritate & mortalitate, subtiliata mundissimè divisa ab omnibus Elementis. Et paulò post ibidem: Scire debes de Quinta Essentia, quòd sit parva & modica, hospitata in aliquo ligno, aliqua Herba, vel Lapide, aut simili: reliquum purum Corpus est, ex quo discimus separationes Elementorum &c.

Rupescissa de Quinta Essentia cap. 5. circa finem; Ideò est ingeniaturum divino spiraculo, quod per continuas ascensiones, & descensiones separatur Quinta Essentia, quam quarimus, à corruptibili Corpore quatuor Elementorum, & hoc fit, quia istud quod secundo & sæpe sublimatur, est magis subtile, & glorificatum, & à cor-
rupti-

ruptione quatuor Elementorum separatim, quàm quando solum una vice ascendit, & sic usq; ad Mille vices, & per continuum ascensum & descensum quod sublimatur, ad tantam virtutem glorificationis venit, ut sit compositum incorruptibile ferè sicut Cælum, & de Materia Cæli, & ideo Quinta Essentia appellata, quia ita se habet ratione Corporis nostri, sicut Cælum ratione totius mundi, ferè eo modo, quo Artificium potest imitari naturam, quasi per quoddam simile valde propinquum & connaturale.

CAPUT VI.

**De Igne Philosophico, seu Menstruo
solvente, aut liquore nostro
Alkaest.**



Ujus Aquæ seu succi Nobilissimi (qui est verum Regis Balneum) præparationem Philosophi semper occultam tenuerunt, ita ut Bernardus Comes in Tresne & Neigen lib. 2. dixerit sese nudis verbis nulli hominum expositurum, DEO votum, Philosophis & æquitati præstitisse, cum sit Secretissimum totius Operis Arcanum; & revera. si enim liquor hic cuius pateret, tunc pueri deriderent Sapientiam nostram, & insipientes æquarentur ingeniosis, & totus in universum Orbis cæco im-

petu huc rueret. ac se ipsum nullâ, nec æquitate, nec pietatis habitâ ratione in imum Acherontem præcipitem daret.

Augurellus Menstruum hoc Mercurium indigitat, dum sic canit:

*Tu quoq; nec captis Cylleni audacibus unquam
Defueris, Argētum vulgò quod vivere dicunt,
Sufficit, & tantis præstant primordia rebus.*

Idē sentit *Georgius Riplaus* in præmio duodecim portarum: Ego profectò te docebo Mercurios esse hos, qui sunt Claves scientiæ; quos *Raymundus* sua Menstrua vocat, sine quibus nihil fit. *Geber* aliter nominat: Per DEum altissimum hac est illa Aqua, quæ Lucernæ accendit, domos illuminat, & abundantiam divitiarum præbet. O Aqua Maris nostri! ô Sal Nitri nostrum in Mari Mundi versans! ô vegetabile nostrum! ô sulphur nostrum fixum & volatile! ô Caput mortuum, seu feces Maris nostri!

Tridensinus in Opere Secreto de Lapide Philosophorum inquit: Philosophi Aquam suam quâ usi sunt pro complendo Opere vocaverunt Lac Virginis, coagulum, rorem matutinum, quintum esse, Aquam vitæ, Filiam Philosophorum &c. *Paracelsus* variè etiam: *Azoth*, spiritum Vini, temperatum, circulatum, Aquam Mercurialem; *Sendivogius* Chalibem: *Rupescissa* Acetum Nobilissimè distillatum. Profundissimus ille per Ignem Philosophus *von Helmont* Liquorem *Alkabeſt* dixit, & sic descripsit:

Liquor

Liquor Alkaest resolvit omne Corpus visibile & tangibile in primam sui Materiam servatâ seminum potestate, de quo ajunt Chymici; vulgus cremat per Ignem, nos per Aquam.

Nobis *Oleum Salis Mercuriale putrefactum & alembicatum* nominare libet: licentiâ Philosophicâ, ceu qui fætibus suis pro arbitrio nomina dispensare possunt, *Oleum* enim est ad altiorem gradum *Ignæ* qualitatis exaltatum, sicut totius solutionis *Metallicæ* fundamentum (quod bene notandum) *Oleum* est, sinè quo nihil utile in *Arte* profici potest, & ipsum vices *fæminæ* agit in opere nostro, atq; meritò *Sponsa Solis*, & *Matrix* vocatur, estq; ipsa *Clavis absconsa* ad referandas portas *Metallorum* clausas; solvit siquidem *Metalla calcinata*, calcinat, putrefacit, facit volatile, Spirituale, tingit in omnes Colores, estq; *Principium*, medium, & finis *tincturarum*; & est unius naturæ cum *Auro*, ut *Villanovanus* asserit, nisi quod natura *Auri* completa est, digesta & fixa; *Aquæ* verò natura incompleta est, indigesta, & volatilis; Uno verbo: Est *Ignis Philosophorum*, cum quo *Hermetis Arbor* in *Cineres* comburitur. De hoc *Ignè Ioannes Pontanus* in sua *Epistola*: *Ignis Philosophorum non est Ignis balnei nec fimi, neq; alius ejus generis, quos Philosophi in suis libris posuerunt: Mineralis est, æqualis est, continuus est, non evaporat, nisi ni-*

mium excitetur, de Sulphure participat, aliunde sumitur, quam à Materia, omnia dirimit, solvit, calcinat, atq; congelat, & ille Ignis est cum mediocri ignitione, est Compendium sine sumptu aliquo saltem parvo, quia cum eo totum Opus perficitur. Studeas igitur ibi, nam si hunc primò invenissem non errassem ducentes, antequam ad praxim pervenissem. Quapropter errant, erraverunt, errabunt, eò quòd proprium agens in suis Libris non posuerunt Philosophi, excepto uno, qui Artephius nominatur, sed pro se loquitur, & nisi Artephium legissem, & loqui sensissem, nunquam ad complementum Operis pervenissem, &c. Hunc & tu consule, & scies quid sit Menstruum nostrum: satis dixi.

CAPUT VII.

An Menstruum solvens sit corrosivum.



Videtur hujus Opinionis esse Geber Summ. perfect. c. 52. dum inquit: Omne quod solvitur necesse est salis, aluminum, & eorum consimilium naturam habere. Et Paracelsus Lib. 4. Archidox: de quinta Essentia mox in principio §. sic ait: Difficile est, & vix credibile, quintam Essentiam extrahere sine corrosivo ex Metallis, præcipuè verò ex Auro, quod superari nequit, nisi per corrosivum, per

per quod quinta Essentia & corpus ab invicem separatur, quod corrosivum iterum ab eo tolli potest. Et cap. 3. de Vita longa Tom. 6. Lib. 3. sic effatur: Resolve Aurum unà cum omni Substantia Auri, corrosivo, &c, & id tantisper donec idem fiat cum corrosivo, nec obstupescas ob hunc laborem, quia Auro si Aurum est, corrosivum commodum est, & sine corrosivo mortuum est.

Sciendum tamen Menstruum nostrum Auro affusum propriè corrosivum dici non debere, sed potius Igneum, cujus Arcani vis atq; Virtus vincit omnia Venena; cum omne Realgar (id est Mercurius vivus, & Sublimatus, item præcipitatus) in solis Elixirio mori debeant, deveniantq; ad singularem, & summam tincturam. Dum etiam per Menstruum nostrum non fit violenta Solutio, qualis per Aquas fortes, regias, re-fuscitativas, & hujus formæ alias; sed ut supra cap. 4. dictum blandè fit, suaviter, sine ullo stridore, & cum humidi sui radicalis conservatione, cum cujus Spiritibus (ut habet *Lullius* in *Vademecum*) infunditur Virtus vivificata in Materijs.

CAPUT VIII.

De Practica Lapidis.

Post-




Postquam tingentem Planetæ Animam, seu veram illius Quintam Essentiam præviâ putrefactione nactus es, in qua verus Mercurius, verumq; Sulphur Philosophorum latent, tunc Materia tua Aptâ nata est, ex ea fieri Lapidem nostrum benedictum. Accipe ergo in nomine *Illius*, qui dixit, & facta sunt, hujus Materiæ purissimæ q. s. inde vasi fixatorio, vel Phiolæ, aut Ovo Philosophico S. H. colloca in Athanore, ut scis, & conveniente, digerente scilicet, continuo, (enim eo deficiente Mortem sequi, aut fieri abortum necesse est) svavi, subtili, alterante, & non comburente (ut cum Comite loquar) à prima conjunctione ad perfectam usq; ablutionem, Ignis regimine (de quo amplius *Anonymus Philaletha* consuli poterit, qui per cuiusq; Planetæ regimen diversitates Colorum lucidè describit) coagulando & figendo in Lapidem Album vel Rubeum, progredere; qui enim, ut *Raymundus Lullius* monet, *potentiam & patientiam non habet in opere, ille propter festinantiam corrumpit opus.*

Perfecti Operis signum hoc erit: si Lapis super candentem Veneris laminam injectus instar Cerae fluat, non fumiget, sed penetret, & tingat. Et tunc natus est Rex Orient-

Orientalis, in Regno suo sedens & potens super omnes Principes Mundi. Hinc exclamat Philosophus: *Egredere ex inferno, resurge ex sepulchro, expergiscere ex tenebris, indutus enim es spiritualitate & claritate, quoniam audita est vox resurrectionis, & anima vita ingressa est ad te.* Laudetur Altissimus, cuius dona cedant in Nominis sui sanctissimi Gloriam, & proximi emolumentum.

CAPUT IX.

De Augmentatione Lapidis
Benedicti.

 Bi jam Sulphuris præfati incombustibilis purpureo-rubundi, auxilio Divinitatis possessor factus es, superest, ut per repetitam Rotæ inversionem (ut loquuntur Philosophi) illud augmentare scias, sub quo non leve Artis Mysterium volvitur. Eâdem autem Methodo, quâ illud confecimus, idem augmentare possumus. Sciendum enim, quo sæpius Sulphur nostrum, qui est Lapis noster, Lacte suo proprio irroratur, vel cibatur, in Balneo rorido solvitur, iterumq; ut in primo Opere coagulatur, & figitur, major semper illius vis tingendi futura est: adeo quidem, ubi post absolutum primum Opus pars una centum partes Mercurij purgati,

gati, aut alterius Metallī imperfecti tinxit, in secunda Solutione per Lac Virginis, ejusq; coagulatione & fixatione pars una Mille tinget, & sic per repetitas vices Medicina nostra augmentatur & multiplicatur in quantitate & qualitate, in virtute & pondere.

Accipe itaq; Lapidis nostri partem unam, & affunde Lactis Virginiei, seu Olei Salis Mercurialis putrefacti, & alembicati partes duas, solve, coagula, ut in primo Opere factum est, & Aqua nostra, quæ antea erat tantum Minerale in Potentia, fit actu Metallum preciosius Auro; & sic mortificatur Lapis per Sublimationes, & revivificatur per imbibitiones, quæ est summa Via Universalis. Perductis his ad optatum finem, projectio ad lubitum super hoc vel illud Metallum præparatum, & decenter Mundificatum fusum, prout ad Album vel Rubeum, tincturam nactus es, institui poterit: cujus verum Usus Ars, & omnes Philosophorum libri (maximè *Philaletha* noster) abundè docebunt.

CAPUT X.

De Usu Lapidis Medico, interno

& externo.



Ciendum est de hoc Lapide Benedicto, quòd ille sit Medicina Catholica, continens in se omni-

omnium Morborum tam calidorum, quàm frigidorum perfectam curam, quatenus nimirum per Naturam curabiles agnoscuntur, & à DEO sanari permittuntur. Si quæras, qualiter hæc Medicina perfectissima & Cælestis tinctura, aliæq; similes panacæ agant, & contraria curando in Corpore humano, operentur? Respondemus hoc totum præstare calefaciendo, illuminando, atq; irradiando Archæum, sicut habet Philosophus noster vñ *Helmont* in Lib. & Tract: cujus in Scriptio: in herbis, verbis, & lapidibus est magna virtus. Quòd nimirum agant *citra sui dissolutionem aut interitum, citra sui penetrationem, intro admissionem, commisturam, & commutationem libere, etiam eminus in sopitum vel accensum Archæum, solo quasi suo aspectu, irradiatione, vel ejaculatione suarum virium in medio productarum, retentis adhuc pristinis, & non mutatis pondere, & proprietatibus. Quo modo, ut præclare Ioachimus Polemannus; Spiritus tenebrarum, morbos scilicet (qui omnes nihil aliud sunt, quàm proprietates cubilis mortis, vel percursores tenebræ mortis) in bonos spiritus trantmutant, quales antea erant, cum homo sanus esset. Et hæc renovatione defectarum virium robur simul universo denuò restituitur.*

Dosis illius est Granum 1. ad 2. juxta ætatem, & Vires ægri in haustulo Vini calidi,
vel

vel Cochleare uno Quintæ Essentiæ ejusdem dissoluta, & tertio quòq; die exhibita. In Morbis externis, Vulneribus Ulceribus cachoeticis, phagadænicis, fistulis, gangræna, Cancro &c. Quotidie, vel alternis diebus Granum unum exhibetur in Vino. Pars verò externè affecta Vino, in quo portio nostri Lapidis soluta sit, lavatur, vel si necessitas exigat, per syphonem iniicitur, superpositâ plumbi laminâ, & ligaturâ conveniente.

Et hic magni hujus Mysterij consummati Usus internus, & externus est; pro cujus adeptione Lumen de Lumine invoca, tuîq; intellectûs illuminationem puro Corde pete, & accipies. Tum operare sufficienter, Pauperibus subsidia feras, donis DEI non abutaris, crede Evangelio, sis pius,
A M E N.

